

И.Ч. Эргил-оол  
Н.Ч. Дамба  
Н.М. Ондар

# Тыва дыл



2  
клас

И.Ч. Эргил-оол, Н.Ч. Дамба, Н.М. Ондар

# ТЫВА ДЫЛ

**2 класс**

Нийти өөредилгээнийг чадварын номын  
төслийн түүхийг дүүштүрэв

Өөредилгениң федералдыг күрүнэ стандартының  
негелдэлтерингээ дүүштүр тургускан

Тыва Республиканың өөредилгээнийг  
богаш эртем яамызы сүмэлээн

КЫЗЫЛ • 2020

ББК 81.2 (Тув)  
Э 74

Эртем талазы-бille редактору *К.Б. Доржу*, доцент, филология эртемнериниң кандидады.

Рецензентилери: *Л.С. Кара-оол*, доцент, филология эртемнериниң кандидады; *С.А. Монгуш*, Кызылдың 2 дугаар ортумак школазының эге класстар башкызы.

Э 74      Тыва дыл. 2 класс. Нийти өөредилгө черлеринге өөредилгө ному. [И.Ч. Эргил-оол, Н.Ч. Дамба, Н.М. Ондар]. — Кызыл: Национал школа хөгжүүдер институт, 2020. — 160 ар.

ISBN 978-5-6043743-7-5

2 класска «Тыва дыл» номун эгэ нийти өөредилгениң стандартынга дүүштүр тургускан.

ББК 81.2 (Тув)

ISBN 978-5-6043743-7-5

© И.Ч. Эргил-оол, 1979, 1982, 1985, 1989

© Н.Ч. Дамба, Н.М. Ондар, 2012, 2016

© Национал школа хөгжүүдер  
институт, 2016, 2020

## Чаа өөредилге чылы-бile!



### СЕНТЯБРЬ АЙ МООРЛАП КЕЛДИ

Өөрүшкүлүг сентябрь ай моорлап келди.  
Өөредилге чаа чылын уткуп тур бис.  
Ада-ие оглун, кызын эдерткилээн,  
Ажық, чырыкъ школада чыглып келди.

Каас, чараш школалар уругларга  
Хаалгазын ажыткылааш, чалап туру.  
Ада-ие, бүгү чону чедип келгеш,  
Ажы-төлге чагыг сөзүн берип турган:  
— Чүү-даа чүве силерлерде белен бар-дыр,  
Чүгле шупту кончуг эки өөрениңер!

Арыг, чараш, хөглүг үннер чаңгыс угда  
Ада-ие мурнун орта чаңгыланган:  
— Төрээн ыннак ада-ие, четтирдивис!  
Дөгеревис бешке, дөртке өөренир бис!

Л. Чадамба

1. Моорлап келди, хаалгазын, дөгөрөвис деп сөстерниң утказын тайылбырлаңар.

2. Сентябрь 1 байырлалының дугайында чугаалаңар.

## *Kataptaashkyн*

### **§ 1. Бирги класска өөрөнген чүүлдерин катаптаары**

**1.** Номчуңар.

Сентябрь ай — чурукчувус  
*Шевер, чажыт* холу-бile  
Хемнер эрии эзим, сында  
Хевис аргып эгеледи.

*C. Сарыг-оол*

1. Шүлүкте чүнүң дугайында чугаалап турар-дыр?
  2. Чурукчуга чүнү дөмөйлээнил?
  3. *Шевер, чажыт* деп сөстерни кандыг сөстер-бile  
солуп болурул?
- 2.** Сөзүглелди номчуңар. Домактарның санын айтыңдар.

## **ШКОЛАВЫС**

Күс дүшкен. Өөредилге чылы эгелээн.  
Чылыг, чырык школавыс бисти уткуп алган. Школавысты долгандыр чечектер тараан. Чаражын чүү дээр ону!

1. Домактың эгезин канчаар бижирил? 2. Бир домакты өске домактан канчаар аңгылаарыл? 3. Дүжүрүп бижиндер. Хынап алышар.


### 3. Сөзүглелди номчуңар.

## ЧАЙГЫ ДЫШТАНЫЛГА

Чайғы үеде солун. Дыштаныр лагерьлерге уруглар эштип, ойнап, дадыгар. Чамдық уруглар чайын көдээге дыштаныр. Көдээ черге чалгаараар үе турбас. Хой кадаржып, ойнап, бөлүк улус-бile каттап, тооруктап турда-ла, хұн әртери билдинмес.

### *Айтырыларны аас-бile харылыланар:*

1. Кажан, каяя дыштанып турғаныңарны чугаалаңдар.
2. Чайғы дыштанылғаңарны канчаар әрттиридиңер?
4. Чурукту топтап көрүңдер. Чурукка дүүштүр домактардан чогаадыңар.



1. Чурукта кымнарны көргүскенил?
2. Кандыг кичәэл болуп турадыл?
3. Өөреникчилер кичәэлге чұнұ қылышыл?

Домак төнген утканы (бодалды) илередир. Домактың эгезин улуг үжүк-бile бижиир.

Медээ аянныг домактың сөөлүнгө улуг сек (.), айтырыг аялгалыг домакка айтырыг демдээн (?), дыңзыг аянны илередир домактың сөөлүнгө кыйгырыг демдээн (!) салыр.

Дыңзыг аянга дужааган, кыйгырган, мактаан, йөрээл салган дээн уткалыг домактар хамааржыр.

*Өөредилгэ чыллы эгелээн. Школаны сакты бердиңер бе? Өөрениргэ, солун-на!*

**5.** Домактарны аңгылаңар. Турза чогуур черлерге бижик демдектерин салбыشاан, дүжүрүп бижип алыңар.

бистиң суурувуста хөй чечектер тараан чечектерниң чаражын чүү дээр ону күзүн бүрүлөр саргарар бе

**6.** Номчуңар.

Кижиның язы-сөөгү (нациязы) төрээн дылындан тодараттынар. Бистиң чуртувуста дыка хөй аңгы-аңгы дылдыг улус чурттап тураг. Оларның иштинден орус, тыва, хакас, кыргыс дээш кымнарны чок дээрил. Өске улус-бile харылзажырда, төрээн дылындан аңгыда, орус дылды өөренири чугула.

## *Айтырыларга харылаңар:*

1. Тывада, орус болгаш тыва чондан өске, кан-  
дыг улус чурттаң тураңыл?

2. Кандыг дылдар билир силер, чугаалаңар.

7. Уругларның чугаазын номчуңар.

— Кичәэл соонда чүнү канчаар сен, Шеңде?

— Чемненип алгаш, онаалгам кылыш мен.

— А сен, Чинчи?

— Мен ам ойнаар мен.

— Кым-бile ойнаар сен?

— Сәэн-бile ойнаар деп бодап турдum.

— Экизин, экизин! Онаалгавыс кылыш ал-  
гаш, оон ойнаар бис шүве?

— Чaa, эжим.

1. Кымнар чугаалажып тураңыл?

2. Олар чүнүң дугайында дугуржуп алғаныл?

8. Номчуңар.

Тывавысты хөгжүдерде,  
Дылывысты утпаалыңар.  
Бижикке-даа, чугаага-даа  
Бир-даа чазыг кылбаалыңар!

*Ч. Кара-Күске*

1. Шүлүктү дүжүрүп бижип алыңар.

2. Шәэжи-бile өөренип алыңар.

## 9. Номчуңар.

### АТ ДУГАЙЫ

Аът киштежип таныжар, кижи чугаала-жып таныжар. Ат, шола шаг-төөгүдөн бээр черле турган. Танышпас кижилер таваржып келгендे, амыр-мендизин солчуп, аал-чуртун айтыржып-ла эгелээр.

Ч. Кара-Күске

#### *Айтырыгларны аас-бile харылаңар:*

1. Кижилерниң аттарының дугайында чүнү билир сiler?
2. Бодуңарның адыңар дугайында чугаалаңар.

**10.** Номчуңар. Каартыр парлаан сөстерни ушта бижиңер.

Үннер слог, слогтар сөс тургузар. Утка талазы-бile харылзаалыг сөстер домактар тургузар. Домак төнген бодалды илередир.

**11.** Адаанда берген бөлүк сөстерни слогтарга чaryп бижиңер.

Ном, балааш, кыдырааш, карандаш.

Бөрт, чүвүр, хөйлең, майыктааш.

**12.** Үннер болгаш үжүктерниң саны дең азы дуушпес сөстерни бөлүктеп бижиңер.

Даш, дааш, көжээ, ёзу, аялга, моюн, маас, чечек, бүрү, аяк, дуюг.

$Y_n = Y_{juk}$        $Y_n > Y_{juk}$        $Y_n < Y_{juk}$

## ҮННЕР БОЛГАШ ҮЖҮКТЕР

### § 2. Ажық, ажық эвес үннер болгаш үжүктер

Чүгле кишиниң үннеринден сөстер тургустунар, ынчангаш оларны чугаа үннери дээр. Чугаа үннери **ажық** болгаш **ажық** эвес деп аңғыланыр. Ажық үннерни адап турда, агаар аас иштинге шаптыкка таварышпас, хостуг эртер. Ажық эвес үннерни адап турда, агаарның оруунга эриннер, диштер, дыл шаптык тургузар.

Бижикикке үннерни үжүктер-бile демдеглээр.

Ажық үжүктер: *a, ы, о, у, э, и, ө, ү, е, ё, ю, я.*

Ажық эвес үжүктер: *б, в, г, д, ж, з, й, к, л, м, н, ң, п, с, т, ф, х, ң, ч, ш, ң.*

**13.** Даразында бердинген сөстерниң утказын тайылбырлаңар. Сөстерде ажық болгаш ажық эвес кандыг үжүктер ылгалдығыл, тывыңдар.

Даш-дыш-дош-дүш-диш-дөш,      кас-час-тас,  
Кара-Сара.

Дүжүрүп бижиңер. Сөстерни ылгаштырып турар үжүктерниң адаан шыйыңдар.

**14.** Чурукту көрүңер. Чурукка аттан бериңер, чугаадан тургузуңар. Бижиң алышаңар.



**Айтырыларга аас-бile харыылаңар:**

1. Огородта чүү өзүп турарыл?
2. Ногаа, чимис аймааның кижиғе ажыны чүдел?

**15.** Номчуңар.

Көңгүл биле конғул ийи  
Көңгүс өске чүвелер-дир.  
Аастыг сава — көңгүл ол-дур,  
А конғул — ыяш хозу.

*Ч. Кара-Күске*

Каартыр парлаан сөстерниң утказын тайылбырлаңар. Оларны ушта бижиң алышаңар. Ында каш үн, үжүк барын тодарадыңар.

**16.** Аас-бile харыылаңар.

1. Кандыг азырал дириг амытаннар билир силер?

2. Оларны кым азырап турарыл?
3. Олар кижиғе кандығ ажық-дузалығыл?
4. Кандығ амытаннарны азырал, а кандығ дириг амытаннарны черлик дәэрил?

Кыдыраажыңдарга бижип алышар.

Азырал дириг амытаннар:

Азырал дириг амытаннарның кижиғе ажық-дузазы:

### 17. Домактарны номчуңар.

Тывада күштар хөй. Бора-хөкпештер, тааннар, сайлық, хараачыгайлар уяларын ховуларга, хаяларга, ыяштар баштарынга тудуп алыр. Оларны камгалаары — кижи бүрүзүнүң ыдықтыг херээ.



Күштарның ажық-дузазының дугайында чугаалаңар. Оларны канчаар камгалаарыл? Каартыр парлаан сөстерни ушта бижип алышар. Күштар аттарының эге үннерин тода адаңар.

## 18. Сөстерни номчуңар.

Тоол, үер, ие, хоорай, сентябрь, оюн, оът,  
аал, хая.

Үнүндөн үжүү хөй, үжүүндөн үнү хөй сөстерни  
бөлүктөй бижиңер. Оод чылдагаанын тайылбыр-  
лаңар.

## 19. Номчуңар.

Өөренирде ап чоруур  
өөредилгем херексели:  
бижиир, бодаар кыдыраажым,  
бижик бижиир демир-үжүүм,  
шыяр, балаар шугум, балааш,  
карандажым хавы — пенал,  
кады чоруур өңнүүм болур —  
тыва дылым ному бо-дур.

пенал,  
кыдырааш,  
демир-үжүк

Өөренирде кандыг-кандыг өөредилге херексели  
ап чоруур силер, чугаалаңар. Өөредилге херексел-  
дериниң аттарын ушта бижип алышар.

20. Бердинген схемаларга дүүштүр сөстерден  
тып бижиңер.

1.  $Y_n = Y_{жүк}$    2.  $Y_n > Y_{жүк}$    3.  $Y_n < Y_{жүк}$

1. Үннер болгаш үжүктериниң саны дең сөстерни;
2. Үжүүндөн үннериниң саны хөй сөстерни;
3. Үнүндөн үжүктериниң саны эвээш сөстерни  
бижиңер.

**21.** Шұлұқтуң аянынг номчуңар. Каартыр парлаан сөстерниң утказын тайылбырлаңар, слогтавышаан, ушта бижип алышар. Ажық үннерниң адаан шыйыңар.

Тыва чонум **хұндұләәчел**,  
Дылы безин **әптиг, чымчак**.  
Эрткен-дүшкен кижилерге  
Әжиктери ажық турад.

*M. Өлчей-оол*

**22.** Бердинген сөстерниң үн, үжүктүг сайгарылгазын кылышар.

Аал, аян, ёзу, чаъс, моюн.

Үлегери: *аал* — 2 үн, 3 үжүк.

**23.** Номчуңар. Каартыр парлаан сөстерниң үн, үжүктүг сайгарылгазын кылышар.

Эзир — араатан күш. Ол дыка кашпагай болғаш **чоргаар**. Тыва мәге хүрежирде, эзир **девиин** албан **күүседир**.

Дагааларны кижилер **азыраар**. Оларның чаражы кончуг. Өң-чүзүнү кандыг-даа **боор**: ак, кара, бора база шокар.

### *Айтырыларга харыылаңар:*

1. Араатан база азырал күштарға кандыг күштар хамааржырыл?
2. Ол күштарның онзагайы чүдел?
3. Олар чемни кайыын тып чиирил?

**24.** Номчуңар. Каартыр парлаан сөстерде ажық, ажық эвес үннерни адаңар.

### МЭЭН ЭЖИМ

Сырга әжим-бile кады чаңгыс класста өөренип турар мен. Ол дыка дузааргак кижи. Онаалгавыс күүседип алгаш, ойнап чоруптар бис. Эжимниң әкииргээ хөлчок, чүнү-даа харамнанмас.

1. Эжиңерниң дугайында чугаалаңар.
  2. Чугааңарны кыдыраашка бижип алыңар.
- 25.** Чурукту көрүңер, чугаадан тургузуңар.



*Хойлуг кижи каас.*

1. Үлегер домактың утказын тайылбырлаңар.
2. Хойнуң кежинден, дүгүндөн чүнү кылышыл?

Тывызыкты тывыңдар:

Мыйыстыг — аң эвес,  
Салдыг — ашак эвес,  
Сыргалыг — кадай эвес,  
Кудуруктуг — аът эвес,  
Адыр дуюглуг — инек эвес.

**26.** Хөй сектер орнунга ажык эвес үжүктөрни чедир бижиңер. Бижиң алган үжүктериндерниң үннерин адаңар.



Аш ...өрү. Кажар ...илги. Хүрең а...ыг.

### § 3. Кыска болгаш узадыр адаар ажык үннер болгаш үжүктер

Кыска адаар ажык үннерни *a, ы, о, у, э, и, ө, ү* деп чаңгыс ажык үжүк-бile; узадыр адаар ажык үннерни ийи дөмей ажык үжүктер-бile бижиir: *aa, ыыы, oo, uu, ээ, ii, өө, үү.*

**27.** Номчуңдар. Эжеш сөстерниң утказын чугаалаңдар.

Сын — сыын, ал — аал, дүн — дүүн, эл — ээл, үле — үүле, ча — чаа, хөрүк — хөөрүк, өрү — өөрү, балык — баалык, даш — дааш.

Сөстерниң утказын өскертип турар ажық үннерни адаңар. Каартыр парлаан сөстер-бile домактардан чогаадып бижиңер.

Үлегери: *Улуг сын артында аң-мен, кат-чимис элбек. Сыынның мыйызындан эм кылыр.*

**28.** Хөй сек орнунга узадыр адаар ажық үннүг сөстерни немей бижиңер.

Көр — ..., эр — ..., сук — ..., он — ..., хар — ..., кир — ..., чан — ..., өрүм — ..., ас — ..., бар — ..., сок — ..., сек — ....

Үлегери: *Көр — көөр.*

**29.** Хөй сек орнунга ажық үннерниң үжүктерин тывыңар. Домактардан чогааткаш, бижип алышар.

Ай...р, х...рек, дырб...ш.

**30.** Номчуңар. Узадыр адаар ажық үннүг сөстерни ушта бижиңер.

Ажыл шупту хұндұткелдиг,  
Аар, чииқ деп ылгалы чок.  
Ажыдыышкын, тиилелгеге  
Алдын дүлгүүр — мергежил ол.

*Ю. Кюнзегеш*

1. Ада-иенер кайда ажылдаپ турарыл?
2. Бажыңыңарга чүнү кылып турар силер, чуғаалаңар.
3. Өзүп келгеш, кым болуксаар силер?

**31.** Номчуңар. Хөй сек орнунга кыска адаар ажық үннүг сөстерни тып бижиңер.

киир — ...	кедәэр — ...	баалық — ...
суун — ...	кадаар — ...	ээл — ...
оон — ...	дааш — ...	ажаар — ...

Үлегери: *Киир — кир.*

**32.** Номчуңар.

### ИВИНИЦ ЧЕМИ ОНЗАГАЙ

Ивилерниң чиир чеми онзагай. Өдүген тай-галарында сүт дег аккыр, хөвең дег хоюг шулун дээр чингис оъттарга олар аажок ынак. Иви мал оон еске, капрон удавыннар ышкаш, чымчак узун сарыг чааттарга, чекпеге ынак. Ол ышкаш олар чаа үнген көк сигеннерни, бүрүлерни база оъттаар. Ивилер кижи белеткеп берген сигенни чивес. Олар кижи берген чемден чүгле дуска тергиин ынак.

1. Ивиниң чиир чеминиң аттарын ушта бижиңер.

2. Шулун, чаат, чекпеге деп сөстерде ажық үннери тодарадыңар, оларның утказын тайылбырлаңаң.

**33.** Чуруктарда чүвелерниң аттарын адаңар. Ол сөстер-бile домактардан чогаадыңар.



х...рүк



д...н



т...лай

### **34. Шұлұқтуң номчуңар.**

Дытче, пөшче үне халыыр  
Дыргактарлыг хайыракан.  
Таңды-сынның күчүтени  
Таан чоргаар мажаалайым.

Алаак иштин аргып турар  
Агараңнаан бора-кодан.  
Дилги көргеш, сириңейнип,  
Чидир чаштыр койгунчугаш.

1. Шұлұқте чүлерниң дугайында чугаалап туарыл?
2. Адығ, койгун деп сөстерни өске кандыг сөстер-  
бile солуп болурул?

**35.** Тывызыктар-бile ажылдаарының чижек чу-  
румун көрүңдер:

1. Тывызыкты кичәэнгейлиг дыңнаңар.
2. Тывызыкта чугаалап турар чүүл кымга  
азы чүге дөмейин тодарадыңар (сайгарыңар,  
хайгаараңар).
3. Тывызыкты тывар дәэш кызыңар (орал-  
дажыңар).
4. Тып шыдавас болзуңарза, баажызын ай-  
тырыңар.
5. Тыппас болзуңарза, догааштырыңар  
(удур тывызыктан салыңар).
6. Тыппаан болзуңарза, дүжүп бергени-  
нерни чугаалаңар.
7. Харызызын айтырып алыңар.

Ыракты  
ырак дивес —  
ылап чоруктуг.

Берт черни  
берт-межел дивес —  
бедик мербегейлиг.

Тывызыктың харызыында сөстүң үн, үжүктүг  
сайгарылгазын кылыңар.

### 36. Чурукту топтап көрүңдер.

*Хлеб, завод, булочка, пряник, печенье, ка-  
лач деп сөстерни ажыглап турғаш, чугаадан  
тургускаш, бижип алышар.*



37. Сөзүглелди номчуңар. Каартыр парлаан кыс-  
ка болгаш узадыр адаар ажық үннерлиг сөстерни  
иий аңғы бөлүкке ушта бижиңер. Оларның адал-  
газын хайгаараңар.

## ООЛ УРУГНУҢ САГЫЫР ЧҮҮЛДЕРИ

Оол уругнуң орланы эки. Чайның изининге,  
кыштың соогунга дадыккан оол маадыр  
шинчилиг болур.

Оол уруг аваангыр-тудунгур болур, шүшпец оол хырнын бэзин тоттуруп албас болур. Эки альт ээзин байыдар, экер оол чонун алдаржыдар.

**38.** Күш-ажыл дугайында үлегер домактарны номчуңар. Сактып алганыңар-бile бижиңер.

Эки кылган ажыл — элеп читпес алдар.

Кежээнин мурнунда — хүндү,  
Чалгааның мурнунда — кочу.

**39.** Кандыг тоолдан үзүндү-дур, чугаалаңар. Домактарны турза чогуур чурумунуң аайы-бile эде номчуңар.

Артык сагыш ара дүжер дээн ышкаш, биеэги-ле самдар кара өөнүң иштинде ийи боду чыткан-даа чүвең иргин.

Хос төштүң иштинден бир алдын күшкаш үне халып келген.

Шыянам! Ирей, кадай чурттап чораан чүвең иргин.

Бир-ле хүндүс ашак арыгже ыяштап киргени.

Кадайы кончуй-ла берген.

Ашак тургаш: «Кадайым кадын болзун, бодум хаан болуйн» — дээн.

Алдын-Күшкаш чүве-даа ыыттавайн, хос төжүнүң иштинче кире берген.

## § 4. Өк-бile адаар ажық үннүг сөстерге кадыг демдек (ъ)

**40.** Адаанда сөстерни эжеш аайы-бile шын номчунцар.

ат — аѣт	час — чаѣс	аш — аѣш-чем
кат — каѣт	эт — эѣт	дүш — дүш
от — оѣт	чүк — чүк	чөп — чөп

*Аѣт, эѣт, оѣт, каѣт, чүк, дүш, аѣш-чем, чаѣс, чөп* деп өк-бile адаар ажық үннүг сөстерге кадыг демдекти (ъ) хереглеп бижиир.

**41.** Номчуңар. Караптыр парлаан сөстерни ушта бижиңер. Адалгазын хайгаараңар. Оларның шын бижилгезин сактып алышар.

Атты адап өөренир, аѣтты мунуп өөренир. Тыва кижи чиир эѣттиг, эдиләэр эттиг болур.

**42.** Хөй сек орнунга каапкан үжүктерни кирип бижиңер.

Хоорайда ка...т-ка...т бажыңнар хөй. Дал дү...ш үезинде кырган-ачам хоюн кирип кээр. Чайын ча...с чаарга, о..т-сиген эки үнер, мал-маган семириир. А...тарда аар чү...к чүдүрүп каан. Кырган-авамның кылган а...ш-чеми дыка чаагай. Бичии дунмам мүннүң чө...вүнге ынак.

**43.** Хөй сектер орнунга кадыг демдектиг сөстерден тып адаңар.

ат — ...      час — ...      эт — ...      дүш — ...  
от — ...      кат — ...      чүк — ...      чөп — ...

**44.** Хөй сек орнунга турза чогуур сөстерни кирип бижиңер.

Мээн адә-илем — малчын. Чайын малды эки ... черге одарладыр. Ачам хоюн ... кадарап. Оон ол изип орда, ... үезинде чедип кээр. Авам инээн саар, амданыг ... кылыш.

Хереглээр сөстери: *оъттуг, дүш, аъттыг, аъши-чемин.*

чаъс

чүк

чөп

**45.** Эжеш сөстерни шын номчуңар. Адалгазын хайгаараңар.

Алгы эттээр. Алгы үнген. Оптуг арга. Арга кирер. Будук төгер. Будук сыйар. Далган ажыдар. Эжик ажыдар. Чажыт уруглар. Чажыт чагаа.

Тыва дылда ажык үннерни *кыска, узадыр* база *өк-бile* адаар деп аңгылаар.

Кыска адаар ажык үннерниң үжүктери: *a, ы, о, у, э, и, ө, ү.*

Узадыр адаар ажык үннерниң үжүктери: *aa, ыы, oo, uu, ээ, ii, өө, үү.*

Өк-бile адаар ажык үннерниң үжүктери: *аъ, оъ, уъ, эъ, өъ, үъ, (ыъ, иъ).*

## § 5. Ажық эвес үннер болгаш үжүктер

Ажық эвес үннерни *күштүг*, *кошкак*, эң *кошкак* деп аңғылаар. Күжениишкинніг дыңзыг адаар, сөстүң әгезинге чоруур ажық эвес үннерни тыва дылда *күштүг ажық эвес үннер* дәэр: *n, m, s, ш, х*.

**46.** Чурукта сөстер-бile домактардан чогаадындар. Сөс әгезинде үннерниң адалгазын хайгаараңаr.



**47.** Бердинген сөстерни тодарадып бижиңер.

Пар, тавак, шары, хадың, саазын.

Үлегери: *Шокар* (улуг, күштүг ) *пар*.

Сөстүң ортузунга болгаш **сөөлүнгө** күже-ниишкин чок *кошкак* адаар ажық эвес үннерни *кошкак ажық эвес үннер* дәэр. Ол үннерни дараазында үжүктер-бile демдегләэр: *n, б, в, м, д, с, з, ш, ж, к, г, ч*.

**48.** Адаан шыйған үжүктер кандыг үннү (*күштүг, кошкак*) илередип турар-дыр, олар сөстүң кайы кезээнде чоруур-дур, чугаалаңаr.

Бажың, аптара, ава, хат, чада, ас, бызаа, малгаш, тудуг.

**49.** Сөстерге чогуур ажық әвес үжүктерни кирип бижицер. Оларның-бile домактардан чогаадыңар.

Ба...кы, школа...ы, эр...емден, эм...чи, хой...у, са...ыгжы.

Күжениишкин чок аяар адаар ажық әвес үннерни эң кошкак ажық әвес үннер дээр: *й, л, м, н, ң, р, г*. Чижээ: *ном, маадыр, аң, лаа, ары, йөрээл, чүг*.

Г деп үжүк-бile демдеглээр эң кошкак ажық әвес үн чүгле сөс сөөлүнгө чоруур: *даг, изиг*.

**50.** Дүжүрүп бижицер. Эң кошкак ажық әвес үннерниң адалгазын хайгаараңар.

Оймакта ногаан, хүрең, кызыл, сарыг чечектер үнген.

**51.** Бердинген сөстерге утказы тааржыр сөстерни одуругнуң оң талазындан тывыңдар.

ама	чаан
ала	инек
ырак	терек
аңғы	орук
шөйбек	одуруг
choon	быштак
улуг	саазын

Ажық әвес үннерниң ыыткыр болгаш дүлейи туружундан хамааржыр.

Сөс әгезинге чоруур күштүг ажық әвес үннер кезээде дүлей болур: *паш*, *хат*, *шет*, *сан*, *тал*.

Кошкак ажық әвес үннер сөс әгезинге, сөөлүнгө, сөс ортузунга дүлей ажық әвес үннер чанынга дүлей болур: *бок*, *дыт*, *кат*, *час*, *чөп*, *ыяш*, *аптара*, *акша*, *чекпе*, *аскышыши*.

Кошкак ажық әвес үннер сөс ортузунга ийи ажық үн аразынга, эң кошкак ажық әвес үннер чанынга ыыткыр болур: *ава*, *ада*, *ажыл*, *чазыг*, *агым*, *самбың*, *кирбик*, *семдер*, *онза*, *аржаан*, *коңга*.

Эң кошкак ажық әвес үннер кезээде ыыткыр болур: *мал*, *ном*, *чаң*, *өг*, *арыг*.

**52.** Аңғылаан үжүктөрниң ыыткыр, дүлейин тодарадыңдар. Олар сөстүң кайызында чоруурун айтыңдар.

Бистиң улуг чуртувусту Россия дээр. Россияның найысылалы — Москва хоорай. Москва — бүгү делегейниң эң чарааш хоорайларының бирээзи.

Бистиң чурттап турага төрээн чуртувус — Тыва Республика. Оон төвү — Кызыл. Чуртувус чылдан чылчесайзырап турага.

**53.** Сөстерни слогтап номчуңдар. Сөс бүрүзүндө каш үн, каш үжүк барын чугаалаңдар.

Ашак, хачы, ниити, хуусаа, амытан.

**54.** Улегер домакты номчуңар. Дүжүрүп бижиңер. Дүлей үннерниң үжүктериниң адаан чаңгыс шыйыг-бile, ыыткыр үннерниң үжүктериниң адаан иийи шыйыг-бile шыйыңар.

Төөгү билбес — төөрээр, төрел билбес — түрээр.

Словарь сөстер: *төөрээр* — аайын тыппас; *түрээр* — хилинчектенир.

**55.** Сөстерниң утказын ылгап турар ажық эвес үннерни тодарадыңар.

Тал — дал, шат — чат, кат — хат, тын — дын, пар — бар.

*Kat — xat, par — bar* деп сөстер-бile домактардан чогаадыңар.

**56.** Хөй сектер орнунга ажық эвес үннерниң үжүктерин кирип тургаш, сөстерден тургузуңар.

Улегери: ...*аш* (*даш, паш*) ...*үн* (*хүн, дүн*)  
...*үс* ...ЭЭК  
...*өс* ...ат  
...*ын* ...ӨҢ

**57.** Тывызыктың харызызында сөстерде хөй сектер орнунга чогуур ажық эвес үжүктерни кирип бижиңер.

Дөрт алышкының  
Хевиниң өңү чаңгыс.  
(...ады, ...иви, ...ойган, ...өш)

## § 6. Эгезинде [т] — [ð] деп үннер кирген сөстер

58. Тывызыкты тывыңар.

Тывызыым — дытта.

Тоолум — дошта.

Сөс эгезинде үннерниң адаарын болгаш сөстерниң бижириң деңнеңдер.

59. Чурукту топтап көрүңер. Харылзаалыг чугаадан тургузуңар, т—ð кирген сөстерни ушта бижип алышар.



60. [т] деп үннү шын адаңар. Дүрген-чугааны чугаалап өөрениңдер.

Торлаа, тогдук, торга, таан,  
терек, терезин, тен, тал,  
терге, тавак, тон, тонак,  
таңныыл, тараачын, төлээ,  
дес-дараалаан дес-дараа.

**61.** Сөстерни әжеш аайы-бile номчуңар. Эгезинде ажық әвес үннерни адаңар. Караптыр парлаан сөстер-бile домактардан чогаадыңар.

Тараа — дараа, таалай — далай, тавак — даван, төкпе — дөтпе.

**62.** Улегер домактарны номчуңар. Сөс эгезинге чогуур үннүң үжүүн бижиңер. Утказын тайылбырлаңар.

...ус чокта, амдан чок.

...ура чокта, күш чок.

...амырактар чыылгаш, хем болур.

...арамыктар чыылгаш, күш болур.

Сактып алганыңар-бile бижип алышар.

**63.** Номчуңар. Сөстерниң утказын чугаалаңар, домактардан чогаадыңар. [m] деп үн сөстүң эгезинге, ортузунга, сөөлүнгө турда, адалгазын хайгаараңар.

Тарак, хойтпак, сүт.

**64.** Бердинген сөстер-бile сөзүглелден тургузуңар. Аңаа аттан бериңер.

Тыва өг, чурттаар оран-сава, өг херек-селдери, кирериниң, үнерииниң ёзу-чуруму, агаар, мал-маган.

**65.** Номчуңар. Сөстерниң эгезинде үннерниң кайызы күштүг, кайызы кошкак дыңналыр болгаш адаттынар-дыр, чугаалаңар.

## САМАГАЛДАЙ

Дооразындан харап көөрге,  
Торгу хээлиг Самагалдай.  
Топтавыла көрбээн кижи,  
Довурактыг дээр-ле боор он.

*Улустуң ыры*

*Самагалдай* деп сөстүү слогтааш, үн, үжүктүг сайгарылгазын кылышар.

**66.** Хөй сек орнуунга турза чогуур үжүктерни кирип номчуудар. Каартыр парлаан сөстерни ушта бижип алышар.

Мүн ижер калбак саваны ...авак дээр.  
Оолдарның бут-бите ойнаар оюнун ...евек дээр.

Башты ...ыргак-бите дыраар.

Эки өөреникчи 4, 5 ...емдектер алыг.

*Тыва, Туран, Тес, туман, турар, тургузуг, тайга, тура (күзел)* деп сөстерниц эгезин, чеже-даа кошкак адаттынар болза, чаңчыл ёзуугаар т-бите бижиир. Чижээ: *тывалаар, турланчылар, тесчилер, туманыг, тайгалаар, тургузар.*

**67.** Кроссвордту тывышар:

- Ак-көк хемнерниң, дагларның чурту.
- Бии-Хем кожууннун төвү.
- Тываның хеми.

1	T			
2	T			
3	T			

**68.** Шұлұқтуң номчуңар, *m—d* кирген сөстерни ушта бижип алыңдар.

Орус, моол, түрк болгаш  
Оон-даа өске дылдар-бile  
Төрелдежип хөгжүп орап  
Төрәэн дылым — тыва дылым.

Үлегер сөс, ыры-шоорнуң  
Үнер дөзү, чаяакчызы,  
Чиге, тода, ылап сөстүг  
Чидиг чепсәэм — тыва дылым.

*Ч. Кара-Күске*

1. Қандығ дылдар билир силер?
2. Қандығ дылдар өөрениксәэр силер?

## § 7. Эгезинде [n] — [ň] деп үннер кирген сөстер

**69.** Сөстерни номчуңар, утказын тайылбырлаңдар.

Пар — бар, пак — бак, паш — баш.

Эжеш сөс бүрүзү қандығ үннер-бile аңғыланып турарыл, чугаалаңар.

**70.** Каартыр парлаан сөстерни ушта бижип ал-гаш, үн, үжүктүг сайгарылгазын кылышаңар.

...аш тиккенде, от салыр.

...ала көдүргенде, тараа соктаар.

1. Согааш, баланы кым көргенил?
2. Өске кандыг тыва эдилелдер билир сiler?

Бижип алган домактарыңарны номчуңар. Чедир бижәэн үжүктериңерниң үннерин шын адаңар.

**71.** Номчуңар. Чугааны кезектерге чарыңар, ке-зек бүрүзүнге аттан бериндер.

## БАЛЫҚ ХАЛАВЫ

Хемни куду хемелеп бадып ор бис. Хенертен эрик кыдыныңда агарапнаан чүвелер көрүп каан бис. Эрикке чедип келдивис. Дыка хөй балыктар дывылаш, өрү шураан турлар.

Чүү болганы ол? Хем сыйгай берген. Бичии хөөлбекчигеште артып калган балыктар болган.

Бистер оларны дораан демир-хуунға чыгаш, хемче салыпкан бис. Ынчап бистер чүс-чүс балыктарның амы-тынын алган бис.

Чугааны чүгө ынчаар адааныл? Чугааны оон өскәэр канчаар адап болурул?

**72.** Хөй сек орнуунга *б*, *п* деп үжүктерни киип бижиңер.

...уура эвес — мыйыстыг.

...уур эвес — чогдурлуг.

Лама эвес — эрегелиг.

...ар эвес — шокарлыг.

(*Итник, дуруяа, аңғыр, торга*)

### 73. Номчуңар.

## БАЛЫКЧЫ

Адыг балыктаарынга ынак. Хемге олуруп алгаш, **балыкты** үр-ле манап олурап. Улуг кадыргы бо-ла кел чыткан. Адыг шимчеш дивейн олурган. Кадыргы чанынга кээр орта, аспаа-бile сегирип алгаш, эрик кырынче октапкан. Адыг шак ынчаар **балыктаар**.

1. Адыгның балыктаарын чугаалаңар.
2. Кадыргыдан өске балыктарны адаңар.

74. Номчуңар. Каартыр парлаан сөстерни ушта бижиңер.

**Пар** ыяш хөөлүг, **бак** кижи балалыг.

Кижиниң эки талаларын чугаалажыңар.

Үлегери: *дұзаарғақ кижи*, ...

75. Адаанда берип каан сөстерни ажыглап турғаш, сөс бүрүзүнге аас-бile домактардан чогаадыңар.


Пөс, пөш, баш, беш.

76. Каапкан үжүктерни кирип бижиңер. Дүрген-чугаада кандыг сөстер бот-боттарынга дөмейлежип, катаптаттынып туарын хайгаараңар.

...уга база бустазын,  
...улут база бусталзын.  
...улут база бусталзын,  
...уга база бустазын.

## § 8. Эгезинде [к] — [х] деп үннер кирген сөстер

Чурукка чугаадан тургузуңар. Чурукта чүвелер-ниң аттарын адааш, ол сөстерни бижип алыңар.



### 77. Номчуңар.

#### УЖУРАЖЫЛГА

Каң, чылыг хүн турган. Суурнуң уруглары каттаары-бile аргаже чорупканнар. Кызыл-кат, инек-караа сыптарында салбакталы берген турган.

Кара-кыс биле Каң-оол саваларын дүрген долдуруп алганнар. Олар эштеринге дузалажып турган.

Чокпак үнүш аразында бичии адыг оглу көрүп кааннар. Уруглар корга бергеннери. Адыг оглу уруглардан корткаш, шырыш аразынче метпеңнеди маңнап кире берген.

### *Аас-бile харыылаңар:*

1. Кандыг каттар билир силер, адаңар.
2. Чугааны чүге «Ужуражылга» деп адааныл?

### **78.** Номчуңар.

Хажызында чокпайған кара талда кезек хириләэ ужуп келген.

Хартыға-даа четтиқпейн, чилби хайнып, кезенипкен, кедеп орган.

*С. Пюрбю*

Эгезинде *к—х* деп үжүктөрлиг сөстерни ушта бижиңер.

**79.** Сөзүглелди номчуңар. Каартыр парлаан *к*, *х*-бile әгеләэн сөстерни бөлүктей бижип алышар. Эге үннерин деңнеңер.

Тыва дээрge бедик дагларның, делгем ховуларның, шапкын хемнерниң чурту. Кандыг катты мында чок дээр: **көк-кат, қызыл-кат, киши-кулаа** дээш-ле баар.

Ооң бойдузунуң кайгамчык болганындан ындыг боор, мында **хөөмейжилер**, сыгытчылар база **хөй**.

Төрәэн чуртуңар дугайында оон өске чүнү билир силер?

**80.** Чурукту көрүңер. Аас-бile сөзүглелден тургузуңар.



Чуруктуң болгаш сөзүглелдин адын чүү деп  
адаар силер?

Ажыглап болур сөстер:

1. Аъттарның өң-чүзүнү: *шокар, доруг, шилги.*
2. Аъттарның чоруу: *даалыктаар, саяктаар, челер.*

**81.** Номчуңар. Ивиниң эр-кызының аайы-бile  
аттарын ушта бижип алышаңар.

Иви мал Тываның Тожуда бар. Кадыр-  
каскак тайгаларга аңап мунар ажыктыг  
мал. Ивиниң суду хоюг. Ооң судунден быш-  
так база кылыш. Эъдин чиир. Бышкаандан  
идик кылыш.

Кыс ивиниң төлүн анай дээр. Кыс ивини  
мынды, эр ивини чары дээр, эдер-даа дээр.

Иви мал дугайында чүнү билип алганы-  
шарны сактып чугаалаңар.



Чурукка чугаадан тургузуцар.

**82.** Хөй сек орнунга *к—х* деп үжүктөрни немеп бижинцер.

### АЗАС

Ажыл-ишчи  
...ерээм доостум.  
Азас хөлдэ  
...ежээ дүштү.

Дээрниң ...ыдыы,  
Хөлдүң ...ыры  
Дески ...ерген  
...өжеге-ле.

*Л. Чадамба*



Чурукту көрүцер. Мөгелер дугайында домактардан чогаадыцар.

**83.** Сөзүглелди номчуңар. Хөй сек орнунга чогуур үжүктерни кирип бижинер.

## ТЫВА ХҮРЕШ

Тывада мөгелер хөй. Шынырак мөгелерге Аяс Монгуш, Маадыр Монгуш, Эрес Кара-Сал, Сайын-Белек Түлүш, Андрей Хертек дээш өскелер-даа хамааржыр.

Мөгэ салыкчылары ...өрүкчүлерни сонуургадыр, мөгезин мактап алгырац. Тыва ...үрешти сонуургавас **кижилер** чок. ...үреш үезинде улуг-бичии дивес, стадион сыңмас олурууптар.

Сөзүглелди улаштыр чогаадыңар.

**84.** Үлөгер домакты номчааш, дүжүрүп бижип алыңар. Ооң утказын чугаалаңар.

Холу шимчээр — хырны тодар.

Хоозун чугаа — хүн бадар.

## § 9. *Ф, ү, ѿ* деп үжүктер

Чурукта чүвелерниң аттарын шын адап номчуңар.



фартук



щётка



циркуль

*Ф, ү, ѿ* деп үжүктерни үлөгерлеп алган сөстергө бижиир. Чижээ: *светофор, цирк, щётка*.

**85.** Хөй сек орнунга чогуур үжүктерни кирип тургаш, домактарны бижиндер.

...ирк дыка солун болган. Мото...икл мунуп алган адыгны уруглар кайгаан. Ол свето...орну база билир болган.

**86.** Номчуңар.

Кудумчу чурумун кижи бүрүзү сагыыр ужурлуг. Орук айылы деп чүве бар. Чадаг болгаш машиналыг кижилер кудумчу чурумунга, светофорга дүүштүр чоруур.

Сактып бижииринге белеткеницер. Номуңарны хаап кааш, бижип алышар. Ном-бите шүүштүрүп көрүндер.

**87.** Хөй сек орнунга *ф*, *и*, *и* деп үжүктерни кирип тургаш, дүжүрүп бижиндер.

Хепти ...ётка-бите аштаар. Бисте сүткүр инектер хөй. Авам меңээ ...артук даарал берген. Садыгда пла... бар.

**88.** Сөс бүрүзүнге бир-бир домактардан чогаадып бижиндер.

Телефон, циркуль, щи.

**89.** Бөлүк сөстерни номчуңар. *Ф*, *и*, *и* деп үжүктерниң сөстерде турожун тодарадыңар.

Фабрика, шкаф, телефон, **светофор**.

Цирк, циркуль, концерт, мотоцикл.

Щётка, борщ, щи, плащ.

Каартыр парлаан сөстер-бile домактардан чо-  
гаадыңар. Кыдыраашка бижип алышар.

**90.** Хөй сек орнунга кандыг үжүктөр кирерил,  
боданыңар. Дүжүрүп бижиңер.

...игуралыг чуңгулаашкынга Россияның  
...игуристери чедиишкінніг киржип турар.  
Кылымал кылаң дошқа танцылап турарын  
теле...изорга көргүстү.

**91.** Номчуңар.

Фабрика — яңзы-бүрү хеп даараар бүдүрүл-  
гө чери. Силерниң кедип чоруур хептери-  
нерни, сумкаларыңарны ында даарал турар.

Чүнү билип алганыңарны чугаалаңар.

**92.** Сөстерни деңнеңер. Утказын тайылбырлаңар.

Сәек — цех.

Шооча — щётка.

Шии — щи.

Каартыр парлаан сөстер-бile домактардан чо-  
гаадыңар.

## § 10. Я деп үжүктүг сөстер

**93.** Үлегер домактарны номчуңар. Уя деп сөстүң  
үн, үжүктүг сайгарылгазын кылышар.

Күш — уялыг. Уялыг күш чаныган.

Кижи — чурттүг. Уруглуг кижи кәэргәэчел.

Сактып алганыңар-бile кыдыраажыңарга би-  
жип алышар.

**94.** Чурукту көрүңер. Чугаадан тургузунар.



1. Хаяларда чұнұ чураан-дыр?
2. Бижиқтіг, чуруктуғ хаялар көрген сiler бе?  
Тывада бижиқтіг, чуруктуғ хаялар хөй.

**95.** Сөстерниң үн, үжүктүг сайгарылгазын қылышар.  
Аян, аяң, хая, хаяа.

**96.** Сөс каттыжышкыннарын номчуңар. Караптыр парлаан сөстерниң үн, үжүктүг сайгарылгазын қылышар.

Улуг аяқ. Оожум аялга. Қызыл яблок.  
Аныяқ кижи. Хаялыг чер. Даянгыштыг  
кырган.

Хой кежин сояр. Аңны даялаар. Дошка  
таяр.

**97.** Номчуңар. Хөй сектер орнунга чогуур үжүктерни немендер. Құскұ айларның аттарын бижиип  
алышар.


Сент...брь, окт...брь, но...брь.

Эрте, алдын, орай күс дугайында чугаалажыңар.


## § 11. Е, ә (e) деп үжүктүг сөстер



элик



эзирик



чээрэн

Чурукта чүвелерниң аттарын адааш, бижип алышар.

**98.** Сөстерниң үн, үжүктүг сайгарылгазын кылышар.

Ие, иешкилер, ўе, ўер.

**99.** Таблицаны көрүңдер. Үжүктерниң сөске турожун көрүп, чижектерден немей адаңар.

Турожу	ә	е
сөс эгезинге	элик, эрик ээрем, ээргииш	– (биживес)
сөс ортузунга	чээрэн, кичээл	терезин, чер инчеек, көпееек
сөс сөөлүнге	хирээ, серээ	ине, тевене, хөкпее берген

Тыва сөстерниң әгезинге *e* биживес, ә бижиир.

Сөстүң ортузунга болгаш сөөлүнгө *e* кылдыр бижиир.

Кыскаладыр адаар ә-ни сөстүң чүгле әгезинге бижиир.

Узадыр адаар ә-ни сөстүң әгезинге, ортузунга, сөөлүнгө-даа ээ кылдыр бижиир.

#### *Айтырыларга харылаңар:*

1. Э (*ә*)-ни кажан бижирил?
2. *E* (*e*)-ни сөстерниң кайызында бижәэн-дир?

**100.** Номчуңар. Домактарны аңғылаңар.

Эптиг-демниг, найыралдыг өөренир бис эртемнерниң әчизинге чеде бээр бис әчизинде шаа барып, эртемденнер, эмчи, башкы болу бээр бис.

Мында каш домак барыл?

**101.** Хөй сек орнунга ээ болгаш *e* деп үжүктөрни киирбишаан, дүжүрүп бижицер.

Чел...ш өңү чараш-тыр. Ч...рни, д...рни куржалы бээр. Шен... чеч... үнүп к...лген. С...ни манаар мен. Сең... дузалажыр мен.

**102.** Номчуңар. Сөс бүрүзүнгө домактардан чогаадыңар. Чогааткан домактарыңар бижиип алышар.

Эртем, ээлдек, эртен, эжик, ээрэм, элик, эвилен.

## § 12. Ё деп үжүктүг сөстер

**103.** Номчуңар. Каартыр парлаан сөстерни ушта бижип алыңар. Ё деп үжүк каш үн илередирин чугаалаңар.

### ЧАА ЧЫЛ БАЙЫРЛАЛЫ

Школага чылдың-на декабрь ай төнчүзүнде чараш шивини тургузар. Бо чылын база чаңчыл ёзугаар класстар аайы-бile чаа чыл байырлалынга келген Соок-Ирей хөй белектер эккелген. Ёнзак шүлүк чугаалааш, ойнаар машина-бile шаңнаткан. Алёна биле Ёндан танцылааш, альбомнар алган. Чаа чыл — ёзулуғ-ла солун байырлал.

Чаа чылда кандыг хеп кедер силер, Соок-Ирейден кандыг белек алықсаар силер, чугаалаңар, уруглар.

**104.** Хөй сек орнунга турза чогуур үжүктерни кирип тургаш, дүжүрүп бижиңер.

Ү...ржаа акым — казымал байлактар шинчилээр кижи. Ол удавас эштери геологтар-бile Москвадан самол...т-бile ужуп кээр. Оон олар вертол...тка олурупкаш, машина четпес Тываның ырак булуңнарынче ужуп чоруптар.

Черге, сугга, агаарга чоруур транспорт аймаан адаңар.

**105.** Бердинген сөстер-бile домактардан чогаадыңар.

Вертолёт, самолёт, хеме, поезд.

**106.** Хөй сек орнунга тааржыр ё үжүктүг сөстерден кирип бижиңер.

Тываларның чаш кижининд доюн эрттириер, баш дүгүн хылбыктаар ... солун. Би-чиизинден тура уругларны ... өөредир. Шын бижилгениң дүрүмнериң ... сөстерни хынаар. ... кижилерни улус кыжырыыр.

Ажыглаар сөстер: ёзу-чаңчылдары, ёзу-чурумга, ёзуургак, ёзугаар.

### § 13. Ю деп үжүктүг сөстер

**107.** Номчуңар. Оюн деп сөстүң үн, үжүктүг сайгарылгазын кылышыңар.

Шыдыраа оюну солун. Тускай бөлгүмнerde шыдыраалап өөредип тураг. Бо оюн кижиден боданырын, угаан ажылын негээр. Боданмайн көжер болзуңза, уттурганың ол.

**Чурукка чугаадан тургузуңар:**

1. Чурукта кандыг оюнну көргүсken-дир?
2. Кымнар ойнап тураг-дыр?
3. Кымнар деп билдингир шыдыраачылар билир силер?
4. Силерниң школаңарда кандыг спортчу оюннар бооп туарыл?
5. Чурукту чүү деп адап болурул?



## 108. Номчуңар.

### КАДАРЧЫ

Оюмааның ачазы хуузунда хоюн малдап чоруур. Оон хою өзүп туар. Ында хоюг, нарын, чинге дүктүг хойлар хөй. Қадарган хою өзүп туар дәэш, ачам үргүлчү мактадыр.

Чайғы дыштанылгамда ачамның хоюн кадаржыр мен.

#### *Айтырыларга харылаңар:*

1. Хой малдың ажыры чүл?
2. Хойнуң дүгүндөн чүнү кылышыл?

## 109. Номчуңар.

Хой, шой, дугуй, дой.

Үстүнде сөстерде ый деп үжүк ю деп үжүк болу бәэр кылдыр өскертип бижиңер.

**110.** Хөй сек орнунга ю үжүктүг сөстерден кирип бижиндер.

Сүттен ... сметананы үндүрүп алыр. Чолаачы машиназының ... чаа дугуй-бile солуп алган. Хая ... күш уязы бар. Өөреникчилер солун ... көргүскен.

Киирер сөстер: *дугуюн, хоюг, оюн, куюнда.*

## § 14. Чымчак демдектиг (ъ) сөстер



Чылдың үелериниң онзагай демдектерин адацар. Кыш, час, чай, күс дугайында тывызыктажыңар.

Чылдың үелеринге хамаарышкан айларны адацар, домактардан чогаадыңар.

Чымчак демдекти (ъ) орус дылдан үлгерлеп алган сөстерге хереглээр. Чижээ: *лагерь, секретарь, рубль, корабль.*

**111.** Бердинген сөстер-бile домактардан чогаадыңар.

Печенье, кисель, календарь, лагерь.

## **112.** Номчуңар.

Январь — чылдың эгे айы, а декабрь — чылдың сөөлгү айы. Февраль — кыштың сөөлгү айы. Июнь, июль, август — чайның айлары. Сентябрь, октябрь, ноябрь — күстүң айлары.

Бижиттинмәэн айлар чылдың кайы үезинин айлары-дыр, чугаалаңар. Чылдың бүгү айларының аттарын чурум аайы-бile бижиңер.

**113.** Сөстерни шын адап номчуңар. Оларның-бile сөс каттыжышкыннарындан чогаадыңар.

Словарь, конъки, корабль, күш-культура, рубль.

Үлегери: *Улуг словарь.*

## **114.** Номчуңар.

Тоня конъкини эң-не баштай кеткен. Дош кырынга конъки-бile турары берге болган. Эштери аңаа дузалаарлар. Чүгле дидим болур херек.

1. Сөзүглелге аттан бериңер.
2. Дүжүрүп бижээш, чымчак демдек кирген сөстерниң адаан шыйыңар.

**115.** Хөй сек орнунга турза чогуур үжүктөрни чедир бижиңер.

Кораб..., секрета..., руб..., ко...ки.

## § 15. Слогтар

Сөсте чеже ажық үн барыл, ынча слог бар. *Aa, ыы, oo, uu, ээ, ii, өө, үү, яа, еә, ёо, юу* — чаңгыс слог болур.

**116.** Сөстерни слогтаңар. Ол сөстер-бile домактан чогааткаш, дүжүрүп бижиp алыңар.

Кызыл, хоорай, Тыва, найысылал.

**117.** Сөстерни слогтар аайы-бile бөлүктеңер.

Чер, дээр, аяс, бүргег, одарлыг, динмирээш-кин, кызаңнаашкын.


- 1 слогтүг сөстер:
- 2 слогтүг сөстер:
- 3 слогтүг сөстер:
- 4 слогтүг сөстер:

**118.** Сөстерни слогтарга чарып турғаш, дүжүрүп бижиңер.

Өөреникчи, башкы, школа, адалары, иелери, эжишкiler, оолдар, уруглар, стол, самбыра, парта.

Өөреникчи, башкы, школа деп сөстерде каш ажық үн база каш слог барыл?

**119.** Сөстерниң кезектерин немеп бижиңер. Домактардан чогаадыңар.



эм —

тудуг —

ужут —

**120.** Слогтарны сөстер болу бәэр кылдыр номчұңдар. Ол сөстерни бижип алыңдар.

э  
рик  
ник  
лик  
ки

би  
хи  
се  
ке  
рээ

өр  
ген  
тек  
гүн

**121.** Номчұңдар. Караптыр парлаан сөстерни слогтарга чарып адаңдар.



Койгунчугаш бодун мактанып олурган: «Бәруден-даа кортпас мен. Дилгиден-даа, адыгдан-даа кортпас мен». Кырган койгуннار чыглып келген. Аныяқ койгунчугаштар база-ла чедип келген. Кырган кыс койгуннар база калғып келген. Койгуннун қанчаар мактанып олурганын шупту дыңнаан.

## Айтырыларга аас-бile харыылаңар:



- Койгун бодун канчаар мактанып олурганыл?
- Койгунну кандыг койгуннар дыңдааныл?
- Мактанып олурган койгунчугашты чүү дээр бис, уруглар?



**122.** Баштайғы болгаш сөөлгү слогту барымдаалап, сөстерден тып бижицер.



**123.** Слогтарны номчуңар. Бұдүн сөстер кылдыр дүжүрүп бижицер.



**124.** Слогтавышаан, ырлай аарак, номчуңар.

### «ШУ-ШУ» ДЕП КОЖАМЫК

Шоваа-Доюм, шу-шу!  
Шошкуп орда, шу-шу!  
Шынаа ишти, шу-шу!  
Шыңғыр-шыңғыр, шу-шу!  
Шавар-Доюм, шу-шу!  
Шаап орда, шу-шу!  
Шаттар, шыктар, шу-шу!  
Шаңғыр-шаңғыр, шу-шу!

A. Донгак

**125.** Үлегер домакты номчуңар, дүжүрүп бижип алышаар. Ажық үннерниң үжүктериниң адаан шыйыңар. Караптыр парлаан сөстерде слогтарны айтыңар.

Улуургак болбас дээр.  
Үйгужу чорбас дээр.

**126.** Хоорайлар, суурлар аттарын слогтап бижиңер.

Кызыл, Шагаан-Арыг, Туран, Ак-Довурак,  
Чадаана.

Сүкпак, Самагалдай, Ак-Чыраа, Шуурмак.

### § 16. Сөстерни көжүрери

**127.** Сөстерни көжүрер кылдыр слогтарга чарып бижиңер. Көжүртүнмес сөстерни адаңар.

Хой, өшкү, аът, инек, иви, теве, сарлық,  
хаван, ыт.

Үлегери. Өшкү — өш-кү.

Сөстү бир одуругдан өске одуругже слогтар аайы-бile көжүрер.

Чаңгыс үжүктүү арттырып-даа, көжүрүп-даа болбас.

**128.** Баштай көжүртүнег сөстерни кезектерге чарыңар. Ооң соонда көжүртүнмес сөстерни бижиндер.

Шил, тeve, ном, саазын, хем, кадаг, кат, ойнаар, класс, чунгулаар, хөл, хөлчүк.

**129.** Номчуңар.

Өлчей-кеjик чедиишкин-даа,  
Өөрүшкү-даа — кадыкшылда.  
Омак-сергек болуру-даа,  
Оожургал-даа — кадыкшылда.

*Ч. Кара-Күске*

Караптыр парлаан сөстерни ушта бижээш, оларны көжүрер кылдыр кезектерге чарыңар.

**130.** Номчуңар.

Бажыңызыс чанында огород бар. Чайын огород сүггаарынга дузалажып тураг мен. Авам огородунга помидор, огурец, согуна, редиска, картошка тарып тураг.

*Айтырыгларга харыылаңар:*

1. Силерниң ада-иеңер кандыг ногаалар тарып турарыл?
2. Кандыг ногааларның аттары кирбээн-дир, боданыңар.



### *Айтырыгларга харылаңар:*

1. Спорттуң кандыг хевирлерин билир сiler?
2. Хүрешти, чадаг чарышты, атт чарыжын соңуургаар сiler бе?

Күзелиңер аайы-бile спортчу секцияларже бижиттирип алыңар.

Хүннүң-не сула шимчәэшкіндөн кылыш туруңдар.

**131.** Бир одуругдан өске одуругже көжүрүп болбас сөстерни номчуңар. Дүжүрүп бижип алыңар.

Уя, эки, эм, атт, ыт, класс, маас, saat, чатьс, чұък.

Ажық үнү чаңгыс слог бооп чоруур мындығ хевирлиг сөстерни чара көжүрүп болбас.

**132.** Номчуңар. Иий ажық эвес кожа үжүктери ни слог аайы-бile чарып көжүрүңер.

Эртем, алдын, дұлгүүр, картошка, байырлығ, чайынды, уйгу, майғыннар, чайлаг, аалдар, алдар, арбай.

### 133. Чурукту көрүңер. Чугаадан тургузуңар.



Машиналарның шимчээшкенинин, чадаг кижилерниң кудумчуны эртер чурумун светофор айтып туар.

Чадаг кижилерниң эртер черлерин тускай шыйып каан болур.

Кудумчуны кежерде, солагай болгаш он талаже көрүңер. Чоруп олурган машиналарның мурнунче эрте халып болбас.

Хоорайга-даа, суурга-даа кудумчу чурумун сагыыр херек.

*Кудумчуга чорааш, кичээнгейлиг болуңар, уруглар!*

Ийи кожа ажық үжүктү чара көжүрбес.  
Чижээ: *ки-чээл-дээр, өө-ре-нии-ли-ңер.*

134. Номчуңар. Қарартыр парлаан сөстерни слог аайы-бile чарып көжүрүңер.

**Ыт кежээликтей харга андаштанырга,**  
дээр чүдерээр, чер казар болза, чаьс чаар.

Кыжын думчуун дүгүнүң аразынче суп алгаш, бөлдүнгеш чыдыптар болза, соор.

1. Чаяс чаарын, соок болурун чүден билип ап болурул?

2. Оон еске чоннуң кандыг әскериглерин билир сiler?

**135.** Номчуңар. Каартыр парлаан сөстерни слогтарга чарып адаңар. Ол-ла сөстерни слог аайы-бile көжүрер кылдыр бижиңер.

Бистиң Лена,  
Бичии Лена.  
Бичии-даа бол,  
Билбези чок.

Бижиир, номчуур,  
Санаар, чуруур.  
Бир-ле башкы,  
Бир-ле артист.

*Л. Чадамба*

### *Айтырыгларга харылаңар:*

1. Бичии Лена кандыг кижили?

2. Дунмаларыңар дугайында чугаалаңар.

**136.** Тывызыкты номчуңар, харызынын тывыңар. Каартыр парлаан сөстерни слог аайы-бile көжүрер кылдыр бижиңер.

Хар чааптар, удуп каар.  
Хаарыктаап кыштаар.  
Час келир, оттуп кээр.  
Чаа хевээр үнүп кээр.

Каартыр парлаан сөстерде каш ажык үн, үжүк барыл, чугаалаңар.


### 137. Номчуңар.

Харлыг кыжы чыварлыг,  
Хаарып кээр соогу кончуг.  
Көге-буға, күшкаштар  
Хөөкүйлер кызыл-даван  
Борбаңайнып, докпаңайнып,  
Бо-ла чөмнеп чоруурлар.

Э. Кечил-оол

Көге-буға, күшкаштарны чүгө кызыл-даван дээнил?

138. Аянныг номчуңар. Сөзүглелгэ аттан чогаадыңар.



Бии-Хем биле Каа-Хемниң каттышкан черинден ырак эвисте, барык Кызыл хоорайның төвүндө, «Азия төвү» обелиск бар. Ол Тываның бир чарашилгавыр демдээ болур.

Тураскаалдың обелиск улуг бөмбүк — глобус хевирлиг төгерииинде диптерни чуруп айыткан, ында Тыва чурту онзаланып көстүп тураг.

«Азия төвү» Тываның төп географтыг туружун илередип тураг.

## § 17. Тыва алфавиттиң үжүктери

Тыва алфавитте 36 үжүк бар. Үжүк бүрүзү боду тускай аттыг болур.

**139.** Алфавиттин үжүктерин шын адацар.

Аа	Бб	Вв	Гг	Дд	Ее	Ёё	Жж
a	бә	вә	гә	дә	e	ë	жә
Зз	Ии	Йй	Кк	Лл	Мм	Нн	ң
зә	и	ий	ка	эл	эм	эн	ың
Оо	Өө	Пп	Рр	Сс	Тт	Үү	Үү
о	ө	пә	эр	эс	тә	ү	ү
Фф	Хх	Цц	Чч	Шш	Щщ	ъ	
әф	ха	цә	чә	ша	щча	кадыг демдек	
Ы	ь	Ээ	Юю	Яя			
	чымчак демдек	ә	ю	я			

Алфавит дээргэ тодаргай чурум ёзугаар бүгү үжүктерни чыскаап көргүскени. Алфавитте үжүк бүрүзү доктаамал туруштуг.

**140.** Үжүктерни шын адацар.

Алфавитте беш дугаар үжүк чүл? Он бир дугаар үжүк чүл? *L*-динц мурнунда кандыг үжүк барыл, а ооң соонда кандыг үжүк турарыл? *C*-тиң мурнунда үжүктуү адацар, а ооң соонда кандыг үжүк барыл?

**141.** Бердинген сөстерни алфавит ёзугаар чыскаап бижиңер.

Кыска, үннер, узун, сөстер, домактар, чугаа, ажык.

**142.** Аянныг номчуңар. Шүлүктө мергежилдер аттарын алфавит ёзугаар бижип алыңар.

Кым болуйн?  
Саанчы боойн бе,  
Садыгжы бе?  
Сайгарлыкчы?  
Санакчы бе?  
Дарганнаайн бе?  
Даараныйн бе?

Чурукчу бооп чурттай  
бээйн бе?  
Кым-даа боору —  
магалыг-дыр.  
Кылыш ажыл —  
макталдыг-дыр.

Ч. Кара-Күске

**143.** Ыяштарның аттарын алфавит аайы-билие бижиңер.

Яблоня, хады, пөш, чодураа, дыт, хадың, шиви, чойган, тал.

**144.** Чугааны кичээнгейлиг номчуңар.

### ЧУҢГУДА

Соокка хөөлбек доңа берген. Эриктеринде хар чаапкан. Оолдар, уруглар хөөлбектиң харын аштап алган. Орланмаа коңклизин алгаш, чунгуже чорупкан. Коңклизин кеткеш, дош кырынга туруп алган. Ол баштайгы базымны кылгаш, чунгулап чорупкан.

Чугааны сактып алганыңдар-бile чугаалаңар.

**145.** Бердинген аттарны алфавит ёзугаар бижиңдер.

Оолдар аттары: Болат, Херел, Андрей, Гена, Мерген, Олег, Маадыр, Саян, Петя, Костя, Серёжа, Чыргал.

Уруглар аттары: Сайлық, Маша, Анай, Катя, Валя, Долума, Лена, Чечен, Уран, Кара, Оюмаа, Галя.

**146.** Номчуңар.

Тудугжунун ажылдаарда  
Тудуп алыр херекселин  
Алфавиттиң аайы-бile  
Адын адап, бижип көрээл:  
Маска, кыскаш, балды, хирээ,  
Өрүм, чаныы, шүүче, хаарылга,  
Лом, кадаг.

Тудугжунун ажылдаар херекселдерин адаңар.  
Оларны алфавит аайы-бile бижип алыңар.

*тудуг*

*тудугжу*

*тудар*

## СӨС

**147.** Класста бар чүвелерни адаңар. Бижиңдер.

Класста бар херекселдер аттары: чүү? —  
стол, ...

Өредилгө херекселдеринин аттары: чүү? —  
ном, ...

Бисти долгандыр турар бүгү-ле чүве атыг болур. Ол чүвелерниң ады сөсте синчикен, сөс-билие илереттинген болур. Ынчангаш сөс бүрүзү уткалыг, кандыг-бир чувени адап турар.

Сөс чүвелерни, оларның демдектерин болгаш кылдыныгларын көргүзер: *ном, солун, номчуур*.

Домак төнген утканы (бодалды) илередир: *Алдын күс дүшкен*.

## § 18. К ы м? ч ү ү? деп айтырыгларга харыллаттынар сөстер

### Чүве ады

**148.** Чурукту көрүңер. Орус улустуң тоолу «Репка».



### Айтырыгларга харылаңар:

Чурукта чүнү чураан-дыр? Чурукта к ы м? азы ч ү ү? деп айтырыгларга харыллаттынар чүвелерниң аттарын адаңар.

Тоолда маадырларның ролюн үлежип алгаш, чугаалаңар.

Кым? азы чүү? деп айтырыгларга харыылаттынар чүвелерни көргүзөр сөстерни *чүве аттары* дээр.

Кижилерни көргүзүп турага сөстер кым? кымнар? деп айтырыгларга харыылаттынар: *башкы, башкылар, өөреникчи, өөреникчилер*. Кижиден өске чүвелерни көргүзөр сөстер чүү? чүлөр? деп айтырыгларга харыылаттынар: *бажың, бажыңнар, мал, малдар*.

**149.** Чүү? чүлөр? деп айтырыгларга харыылаттынар сөстерни ушта бижицер. Ол сөстер чүлерниң аттары-дыр? Чүгэ оларже чүү? чүлөр? деп айтырыглар салырыл?

Адыг ашак аалга келгеш,  
Адыш ишти тараа үлээн:  
Авырганнар, кээргеннер,  
Аганактар шупту алган.

Күзен — бирни, таан — бирни,  
Күшкүл база бирни алган.  
Чүгле чаңгыс күскежикке  
Чүү-даа артпаан, ыглавыткан.

Ч. *Кара-Күске*

**150.** Номчуңар. Аттан чогаадыңар. Хөй сектер орнунга сөстерден кииргеш, дүжүрүп бижицер.

Аяс, соок (чүү?) ... турган. Ыяштардан (чүлөр?) ... оожум дүжүп турган. (Кым-

нар?) ... школаже далажып бар чытканнар. Оларны (кым?) ... өөрүшкүлүг уткуп алган. (Чүү?) ... эгелээн.

Кижилерни көргүзүп турар домактарны номчуңдар.

**151.** Чурукта кандыг тыва хептерни чураан-дыр, аттарын адаңар. Тыва идик-хепти чүден даараарыл?



Тыпкан сөстеринер-бile бир-бир домактан чо-гаадып бижиңдер.

**152.** Номчуңар. Караптыр парлаан сөстерге айтырыгдан салыңдар.

**Кырган-авам** дыка-ла амданыг чөкпек кылыш кижи. **Чодураа, мыйырак**, үүргенени чыып кургаткаш, далган кылдыр соктап азы дээрбелеп алыр. Оозундан чөкпек кылгаш, хере үргеш кадырып каан инек сыйыларынга кудуп алыр. Оларын часкаар

кыжын, сүт-саан кызырлып, төрүүр инектерниң суду соглуп туарар апарганда, ажыдып эгелээр. «Куу час кончуг, уруг-дарыгга бичии-даа болза сүүзүннүг чөм хөрөк» деп органын сөөлүнде сактып келгеш, кырганавамның буяннынын магадаан мен ийин.

Е. Танова

1. Чөкпекти чүден кылсырыл?
2. Чөкпекке кандыг үнүштер холуп алыр-дыр?
3. Сүүзүннүг дээргэ кандыг дээни ол?
4. Кырган-аваңар дугайында чугаалаңар.

**153.** Айтырыгларга харыылаңар.

1. Үнүштер чүге хөрөгил?
2. Үнүштер кайда-кайда өзүп туарыл?
3. Кандыг каттыг үнүштер билир силер?
4. Кандыг эм үнүштер билир силер?

Оларның аттарын ийи ангы одурурга бижиңер.

**154.** Номчуңар.

Школачылар кышкы арганы көөр деп сүмележип алдывыс. Бис аяс хүннү шилип алгаш, чоокку аргаже хаактап чорупкан бис. Бисте шупту он кижи бар болган. Чамдыывыс хаактап турувуста, чамдыывыс чунгудан бадып турган. Ол шиитпирниң түнели биске өөрүнчүг болгаш ажыктыг болган.

К ы м? к ы м н а р? деп айтырыгларга харыылаттынар сөстерни ушта бижиңер.

**155.** Номчуңар. Сактып алғаныңар-бile чугаалаарын оралдажыңар.

Тыва Республиканың девискээри Азия диптиң төп кезээнде чаптыла берген болгаш соңгу чүктен Чөөн Сибирьге, мурнуу-чөөн чүктен Моолга, барыын чүктен Даг-Алтайга хүрээлеткен. Географтыг туруш талазы-бile кончуг эптиг черде туар.

Республика ажыктыг казымалдар, дириг амытаннар, үнүш-дүжүт болгаш хемнер, хөлдер-бile кончуг байлак.

Чүү? чүлөр? деп айтырыгларга харылattyнар сөстерни тывыңар.

**156.** Чурукта чувелерниң аттарын адаңар.



Огородка ажылдаарда ажыглаар херекселдерниң аттарын бижиңер.

**157.** Баштай кым? деп айтырыгга, ооң соонда чүү? деп айтырыгга харылattyнар сөстерни ушта бижиңер.

Өөреникчилер, бажың, оолдар, хар, хойжу, көвүрүг, аңчы, чугай, уруглар, кыдырааш, артист, кудумчы, ажылчын, сыын, чурукчу, кызаңнаашкын, таңныыл.

Кым? Өөреникчи, ... .

Чүү? Бажың, ... .

Кижи дугайын кым? кымнар? деп айтыrar.

Кижиден өске чүвелерни чүү? чүлер? деп айтыrar.

**158.** Чурукту көрүцөр. Номчуңар. Өг-бүлөнөр дугайында чугаалап өөрениңер.

### ӨГ-БҮЛЕМ

Экии, уруглар! Мен бөгүн сilerге бодумнуң өг-бүлем дугайында чугаалап берейн. Мээн ачам тудугжу кижи. Ол бажыңнар тудуп туар. Авам школада ажылдал туар. Ол тыва дыл башкызы. Улуг акым — студент. Ол Красноярск хоорайда эмчи болур дээш, өөренип туар. Бичии дунмам үш харлыг, ол уруглар сады чоруп туар. Оон ыңай кырган-ачам, кырган-авам база бар. Мен оларга кончуг ынак мен.



## *Айтырыг бүрцүн чаңғыс сөс-бile харыылаңар.*

1. Кым номчуп олур?
2. Кым аяқ чуп тур?
3. Кым дааранып олур?
4. Кым аргыттынып олур?

### **159.** Номчуңар.

Шаанды тывалар чылды — час, чай, күс, кыш деп дөрт үеге чарып, үе бүрүзүнге — үш-үш айларны онаап турган. Айлар тускай ат чок: башкы, ортаа, адак деп сөстер биле илереттинер. Чижээ, частың башкы айы (март), чайның ортаа айы (июль), күстүң адак айы (ноябрь) дээш баар.

Сөзүглелге аттан бериндер.

**160.** Номчуңар. Кайы одуругда сөстер материалдар аттарын, кайы одуругда сөстер эт-херекселдерни көргүзүп туарыл?

Кадыыр, маска, хирээ, шүүче, балды, хаарылга. Ыяш, шил, чугай, тууйбу, цемент, даш.

Бижиңер.

Херекселдер: (чүлөр?) ..., ... .

Материалдар: (чүлөр?) ..., ... .

### **161.** Номчуңар.

Кадарчы, дилги, ажылчын, хар, чолаачы, даг, космонавт, бижиң, далайжы, космос, хеме.

Баштай кым? деп айтырыгга, ооң соонда чүү?  
деп айтырыгга харыыллattyнар сөстерни ушта би-  
жицер.

**162.** Чүвелерниң аттарын адаңар.



Сава бүрүзүн кандыг аъш-чем кылышынга азы салырынга ажыглаарыл, чугаалаңар. Сөстерниң кайы-бирээзи-бile домактан чогаадып бижицер.

Бир эвес сөс чаңгыс чувени көргүзүп турар болза, ол сөс чаңгыстың санынга турар.

Бир эвес сөс иийи азы хөй чүвени көргүзүп турар болза, ол сөс хөйнүң санынга турар. Чижээ: *чурт* — *чурттар*, *оол* — *оолдар*.

**163.** Сөстерни номчуңар.

Сылдыс, ном, карандаш, бажың, өдүрек, шиви.

Бо сөстерни хөйнүң санынга бижицер.

**164.** Номчуңар. Бо сөстер ылгалдыг бе?

хоорай — хоорайлар  
кижи — кижилер  
хөл — хөлдер

чодураа — чодураалар  
садыг — садыглар  
кудумчу — кудумчулар

**165.** Номчуңар.



Чимис аймаа: яблок, груша, апельсин, мандарин, банан, ананас.

Чурукта чүвелерниң аттарын адаңар. Олар кандағай айтырыгга харыллаттынарыл? Оларның ажының дугайында чугаалаңар.

**166.** Шүлүктү номчуңар. Каартыр парлаан сөстерге айтырыглардан аас-бile салыңдар.

**Саанчылар** хууңун алыр,  
Сагган сүт-даа савазыраар.  
**Комбайнга** холдар дээр-ле,  
Хову турлаа ажаанзыраар.

Чолаачывыс руль тудар,  
Узак черлер кызырлып кээр.  
Чогаалчывыс үжүк тудар,  
Уран номнар холга келир.

*Б. Хөвөңмей*

Бижицер.

Кым? кымнар?: ... , ...  
Чүү? чүлөр?: ... , ...

**167.** Ногааларның аттарын чураанының аайыбилие чыскаап бижицер.



Согуна, морковь, капуста, картошка дугайында тывызыктардан сактып чугаалаңар.

**168.** Номчуңар.


Бичии Алдын-оол чажындан турала көдээде кырган ада-иезинге өөренген болгаш, чайын-даа, кыжын-даа оларынга чурттап турган. Чогум ада-иези кожуун төвүнде.

Кырган-ачазы ус-шевер кижи, ооң кылбасла чүвези чок: чазаныр, дарганнаар дээш-ле баар. Алдын-оол ооң ажылын үргүлчү хайгаараар болгаш ону дөзексээр турган. Чымчак ыяштар-бile кандыг-ла-бир чүвениң дүрзүзүн чазап алгаш, кырган-ачазынга, кырган-авазынга кээп көргүзер, олары Алдын-оолду мактаарлар.

*C. Таспай*

1. Алдын-оол кымны дөзексээр-дир?
2. Кырган-ачазы чүнү кылыш туарар-дыр?
3. Ус-шевер, дарганнаар деп сөстерниң утказын билир силер бе?
4. Сөзүглелди эдерти чугаалаарын оралдажыңдар.

**169.** Чурукту көрүңер. Курт-кымысаяктар аттарын бижиндер.



**170.** Дириг амытаннарынц чаш төлдериниң аттарын бижип алышар.

Инектиң төлү — ....      Бениң төлү — ....  
Өшкүнүң төлү — ....      Хойнуң төлү — ....  
Тевениң төлү — ....

**171.** Сөстерни бир аймак бөлүктөрөгө чарып би-жиңер.

Хадың, киши-кулаа, хек-даван, дыт, до-лаана, хұн-әдерер, астра, тал, шончалай, честек-кат.

**172.** Чуруктарны топтап көргеш, тоолду чурум ёзугаар сактып чугаалаңар.



## § 19. Кандыг? деп айтырыгга харыллаттынар сөстер

### Демдек ады

**173.** Шүлүкту номчуңар.

Хоюңнады бүргеп-бүргеп,  
«Кодан-майық» уруп-ла кәэр.  
Дашкаар үнгеш, өрү көөрге,  
Даамай харлар арынга дәэр.

**Калбак шөлдер, қадыр даглар  
Харны кедип қаастаныптар:  
Кокпак талдар, хараганнар  
«Койгун кежи» бөрттер кедер.**

*C. Сарыг-оол*

Автор *хар, шөлдер, даглар, талдар, хараганнары* кандыг сөстерниң дузазы-бile чуруп көргүсkenдир? Ол сөстер кандыг айтырыгга харыылаттынардыр?

Шұлұкту ол сөстер чокка катап номчуп көрүнгерем. Олар чокка *хар, шөлдер, даглар, талдар, хараганнарың* кандызыын тода билип алдыңдар бе? Чүге?

#### **174. Номчуңар.**

#### **ЧАРАШ ТАВААМ**



Кадык кудар, быдаа кудар  
Калбак таваам, ишкир таваам,  
Хәэлерлиг, чечектерлиг,  
Кедергей-ле чарап таваам.

*Ч. Кара-Құске*

Тавактың хевирин, шынарын, өңүн тодарадыңар.

Чүвелерниң демдәэн көргүзүп турар  
кандыг? деп айтырыгга харыылаттынар  
сөстерни *демдек ады* дәэр. Чижээ: *чырык*  
(кандыг?) *класс, аяс* (кандыг?) *хүн.*

#### **175. Шұлұкту номчуңар.**

Торгу ышкаш хоюг дүктүг,  
Тонум чылыг, доңмас-даа мен.  
Кулактарым сыргаларлыг,  
Кудурукчуум сеглең чарап.

Аңнарның эң бичези мен,  
Алдын ышқаш өртектиг мен.  
Өлүктөрниң бирээзи мен,  
Өргүн хөй оол, адаңар чээ?

Л. Чадамба

Чүнүң дугайын чугаалап турарын канчап билип алдыңдар? Ол сөстерни номчуңар. Ол сөстер кандағы айтырыгларга харыллаттынарыл?

**176.** Чылдың үелериниң аайы-бile чүвелерниң демдектери канчаар өскерли бәэрил, таблицаны тааржыр демдек аттары-бile долдуруңар.

Бойдустуң болууш-куннары	Чазын болгаш чайын	Күзүн	Кыжын
Хат	чылыг, чымчак	сериин	соок
Чаңс			
Хүн			
Бүрүлер			

**177.** Яңзы-бүрү байдалдардан хамааржыр харның демдектерин тодарадыңдар. Чижээ: *кылагар, маңган ак, хирлиг, үлдүргей*.

Хар кажан ындыг болуул? Ол чүден хамааржып турарыл? Ам ол домактарыңардан харылзаалыг чугаадан тургузуңар.

**178.** Номчуңар.

Эзир дээрge улуг араатан күш. Ол улуг хаайлыг, чидиг дыргактарлыг, көску карак-

тарлыг. Олчазын топтап тура, ол агаарга оожум дескинип әгеләэр. Бир әвес араатан черге бичии амытан көрүп каар болза, адаанче даш дег баткаш, бодунуң күчүлүг даваннары-бile сегирип алыр.

### *H. Сладковтуу-бile*

Сөзүглелде чүвелерниң хемчээлин, хевирин, шынарын көргүсken сөстерни тывыңар, оларны хамааржып чоруур сөстери-бile кады ушта бижинер.

#### **179.** Сөстерни номчуңар.

Чай, хүн, күске, кыш, дус, чүг, дүн, чаан, чигир, даш.

Кандыг-бир тодаргай демдээ-бile деңнеп болур сөстерни тывыңар. Оларның демдектерин адаңар. Чижээ: *кыш* биле *чай* – температуразы-бile.

Ол чүвелерниң кайызында ол демдек эң күштүг илереттинген-дир, деңненцер. Чижээ: *кыш* *чайдан дыка соок*.

Чүвелерниң демдээн көргүзер сөстерниң аразында удурланышкак уткалыг сөстер бар. Чижээ: *Чайғы хүн дүртү узун, а дүн дүртү кысса*.

#### **180.** Хөй сек орнунга удурланышкак уткалыг сөстерни тыпкаш, дүжүрүп бижинер.

бедик — ...

узун — ...

улуг — ...

семис — ...


чаа — ...

ырак — ...

choон — ...

алгыг — ...

**181.** Чурукту көрүңер.



1. Чурукта чүнү чураан-дыр?
  2. Чүү деп кат-тыр?
  3. Ооң өңү, чыды, амданы, хевири кандыгыл?
  4. Бо кат кайда өзүп турарыл?
- Ооң дугайында харылзаалыг чугаадан тургузұндар.

**182.** Чүвелерниң демдәэн тодарадындар.

Даг, шиви, оруқ, кымысқаяк.

Чижээ: *арга — шыргай, ырак, ногаан.*

**183.** Номчуңар. Дүжүрүп бижәеш, кандыг? деп айтырығга харыллаттынар сөстерни дыйлагар шыйыг-бile, чүү? деп айтырығга харыллаттынар сөстерни чаңгыс шыйыг-бile шыйыңар.

Суук сүт. Хоюг өреме. Аар чүк, чиик чүк. Чылыг хүн. Соок хат. Ак хар, кара чер. Балыктыг хем. Аңынг арга.

**184.** Чүвелерни демдээн барымдаалап тывыңдар.


Часкы, хөглүг, ыыткыр ...

Үяш, төгерик, чөмненир ...

Күску, сарыг, кызыл, өкпен ...

Чижээ: *Оңмас, ногаан, чидиг бүрүлүг...*  
*(шиви).*

**185.** Чуруктарда чүвелерни адаңар.



Кып-кызыл, боп-борбак, сап-сарыг.

Бердинген сөстер чүвелерниң кандыг демдээн көргүскенил?

Чуруктарда чүвелерге тааржыр демдек аттарын тыпкаш, сөс каттыжышкыннарын тургузуңдар.

**186.** Эжиңерниң адын, фамилиязын адаңар. Эжиңерниң овур-хевириң көргүскен демдек аттарындан тывыңдар.

Чижээ: *Бажының өңү — ... , карактары — ..., узун дүртү — ..., аажы-чаңы — ... .*

Чыып алган сөстериңдер дузазы-билие эштериңерниң овур-хевириң чуруңдар.

**187.** Номчуңдар.

Күштүг, эки — ... .

Кажар, кичээнгейлиг — ... .

Чараш, эвилең, эки — ... .

Чараш, каржы, кара сагыштыг — ... .

Үстүнде бердинген демдектер аайы-бile ном-чаан тоолдарыңарның маадырларын тодарадыңар. Домактардан чогаадыңар.

**188.** Чүвелерниң дөмей болгаш ылгавыр демдектерин тодарадыңар.

Аът биле ыт, сандай биле стол.

1. Дөмей демдектери :

2. Ылгалдыг демдектери:

**189.** Чылдың кайы үезинге ынак силер? Ол үе чүзү-бile онзагайыл, бижиңер.

Чижээ: *Мен кышкы цеге ынак мен. Кышкы цеде хаактаар, конькиләэр, чунғулаарга эки.*

Чүвелерниң демдектерин көргүзүп турар сөстерниң адаан шыйыңар.

**190.** Номчуңар.

Будуктуг ыяшка күш чыглыр,  
буянныг өгге чон чыглыр.

Караптыр парлаан сөстерге айтырыгдан салыңар. Дүжүрүп бижээш, утказын сактып алышар.

**191.** Бердинген сөстерни ажыглап тура, сөс каттыжышкыннарындан тургузуңар.

Кара-хүрен, ак-көк, кара-ногаан, хүрең-кызыл.

### **192.** Номчуңар.

Март айның төнчүзү. Арыг иштинде кара суг шулурткайнып бадып чыткан. Күштарында-мында мыжырткайнып, уяларын долгандыр ужуп чоруп тургулааннар. Хүлөр-оол ыяштар аразынга кылаштаарга, черде кагжыргай будуктарның сынган даажы дызырткайнып турган. Ол далаш чокка кургаг будуктарны чынып алгаш, одаанче базыпкан.

*K. Симчит*

Кандыг? деп айтырыгга харыылаттынар сөстерни тывыңар.

Сөзүглелден *кагжыргай* деп сөстүң утказынга чоок сөстү тывыңар.

### **193.** Номчуңар.

Эрин ирейниң Эзирек деп ыды бар. Ол Эзирек болза чаш уруглар азырап, карактаарынга чамдық кырган-авалардан дудак чок. Харын-даа артык дизе хөөрем эвес. Ынчангаш ашактың өглүг оолдары, кыстары Эзирекке уругларын карактадыр дээш былаажып тураглар.

Боду кончуг улуг-даа эвес, безерек хаважыгаш-даа эвес, кончуг чазадак, шевергин ыт чүве. Шала ак-сарыг: колдуунда-ла ак деп сөглээр. Дүгү ангор өшкү дег, хоюг, дырап каан чүве дег суук, кезээде арыг чоруур. Карактары кара-кара болгаш чааш, томаанныг. Думчuu база кылаң кара.

*C. Сарыг-оол*

Кандыг? деп айтырыгга харыылаттынар сөстерни тывыңдар. Ол сөстер чүвениң кандыг демдектерин көргүзүп турар-дыр? Номчаан чүүлүңерни сактып чугаалаңдар.

**194.** Караптыр парлаан сөстерге утказы чоок сөстерден хөй сектер орнунга кирип бижиңдер.

чүгүрүк койгун — ... койгун

кажар дилги — ... дилги

силиг дииң — ... дииң

чазый бөрү — ... бөрү

## § 20. Канчап тур? деп айтырыгга харыылаттынар сөстер

### Кылыг сөзу

**195.** Чуруктарны көрүңдер.



Чурукта оолдуң чүнү канчап турарын чугаалаңдар.

Чогааткан домактарыңарны бижип алыңар.

Кылдыныгны көргүзүп турар сөстерге аас-бile айтырыглардан салыңдар.

Тыва дылда чүнү кылып тур? чүнү кылган? канчап тур? канчаар? канчанган? чүнү кылырыл? деп айтырыгларга харыылаттынар чүвелерниң кылдынынын көргүзөр сөстерни *кылыг сөзү* дээр. Чижээ: *номчуп тур, номчаан, номчуур.*

**196.** Чурукту көрүцөр.



1. Альт чарыжы кандыг байырлалдар үезинде болурул?

2. Канчаар? деп айтырыгга харыылаттынар, альттың чоруун көргүсken сөстерни сактып бижицөр. Чижээ: *саяктаар, чыраалаар...*

3. Кыска сөзүглелден тургузуңар.

**197.** Кым? Чүнү кылып тур? деп айтырыгларга харыылап бижицөр.

Башкы, эмчи, өөреникчи, балыкчы, чурукчу, уруг.

Хереглээр сөстери: *удуп чыдыр, эмнеп тур, бижип олур, чуруп тур, балыктап тур, башкылап тур.*

Кым? деп айтырыгга харыылаттынар сөстерни чаңгыс шыйыг-бile, канчап тур? деп айтырыгга харыылаттынар сөстерни ийи шыйыг-бile шыйындар.

### 198. Номчуңар.

#### МЕН КАНЧААР ХҮН ЭРТТИРИП ТУРАР МЕН

Эртен туруп келгеш, кеттинер, чунар, дыраныр, чемненир болгаш номнарымны чыып алгаш, школаже чоруптар мен. А кежээ онаалгалар күүседир мен, ном номчуур мен, дневник долдурагар мен. Авамга дузалажыр мен. Хостуг үемде эштерим-бile даштыгаа ойнаар-кыс-бile ойнаар мен. Оон келгеш, удуур мен.

Уругнуң чүнү кылыш туарының аайы-бile бижиндер.

Уруг эртен туруп келгеш, ...

Уруг школадан келгеш, ....

Уруг хостуг үезинде ...

### 199. Номчуңар.

#### ЧҮНҮҢ ҮНҮН ЧҮҮ ДЭЭР БИС?

Бир-ле черден ыры  
Бистииинге бо келген.  
Бөлүк буга ону  
Мөөрежип бустаан.  
Хат ырны дораан  
Хааладыр үрген.

Хава биле кырза  
Хала чокка ээрген.  
Дээлдиген ырны  
Дээринге киштээн.  
Үргак-сээк чүгле  
Үгланаңнадыр ыылаан.

Киженинг аът база  
Киштеп ырлай берген.  
Ону дыңнаан элик  
Огуруп-ла үнген.

Амытаннаар шупту  
Аңғы-аңғы үннүг.  
Үнчангаштың ону  
Үлгаарывыс албан.

Ч. Кара-Күске

Дириг амытаннаарның аттарын, оларның кылдынын барымдаалап шүлүктен ушта бижицер.

... бустаан. ... ыылаан.  
... ээрген. ... огурган.  
... киштээн.

**200.** Номчуңар. Аътты канчаарыл, чугаалаңар. Дүжүрүп бижицер.

Канчаар? деп айтырыгга харыылаттынар сөстерниң адаан ийи шыйыг-бile шыйыңар.

Аътты мунар, тергелээр, шанактаар, киженнээр, өртээр, эзертээр, чүгеннээр, дагалаар, имнээр, оъткаар, соодар, шалбалаар, сыдымнаар.

**201.** Өг-булеңер кежигүннери хостуг үезинде чүнү кылыш туарыл, сактыш бижицер.

Үлгери: *Мен хостуг цемде хоккейлээр мен. Дунмам шыдыраалаарынга ынак.*

1. «Хостуг үеде» деп кыска сөзүглелден тургувузар.
2. Сөзүглелде кижиның кылдынын көргүзөр кандыг сөстерни ажыгладыңар?
3. Ол сөстер кандыг айтырыгларга харыылаттынарыл?

**202.** Чурукту көрүнөр. План ёзугаар чугаадан аас-бите тургузуцар.



1. Тываның хөгжүм-шии театры.
2. Клазывыс-бите шии көрүп чораан бис.
3. Шииде алдарлыг болгаш аныяк артистер ой-нап турагар.
4. Шиини шупту сонуургаан.

**203.** Номчуцар.

### МЭЭН АЖЫЛЫМ

Бажың иштин эдип кагдым.  
Бажым дырап, чунуп алдым.  
Өрээлимни агаарлаттым.  
Өөгүмнү илип алдым.

Олямны ойнэттых-даа.  
Огородту суггардым-даа.

Чечен сөстүг шүлүктерни  
Шээжилээр дээш, номчудум-даа.

Ажыл шагы доосту бээрge,  
Авам, ачам чанып келир.  
Ажылымны көрүп кааштың:  
«Алдын-кыстың кежээзин» дээр.

Л. Чадамба

Бичии Алдын-кыс бажыңынга чүнүү кылып турар-дыр? Силер бажыңыңарга чүнүү кылып турарыңарны чугаалаңар.

**204.** Күш-культура кичээлингэ чүнүү кылып турар силер, бижинцер.

Үлегери: *Мен күш-культура кичээлингэ бөмбүктээр мен. Оля чаржыр.*

Кым? деп айтырыгга харыылаттынар сөстерни чаңгыс шыйыг-бile шыйыңар. Канчаар? деп айтырыгга харыылаттынар сөстерни иийи шыйыг-бile шыйыңар.

**205.** Чурукту көрүңер. Дараазында сөстерни ажыглап тургаш, сөзүглелден чогаадыңар.



Менги харлыг, бедик тайга; хову, дөңчү-  
гештер; улуг, бичии тарбаганнар.

**206.** Номчуцар.

Бедик даглар мээстери  
Белинге киир **берзенгилээн**,  
Ам-даа харлыг шынаа, шөлдер  
Адааргаан дег көрүп чыткан.

Кажаа чаны хүннээректе  
Хамык чаш мал сиген чиген,  
Чаржып ойнап **дешкилешкен**,  
Часкы хүнде хөглээн турлар.

Л. Чадамба

1. Каартыр парлаан сөстер кандыг айтырыгга  
харыылаттынарыл?

2. *Берзенгилээн, дешкилешкен* деп сөстерге чоок  
уткалыг сөстерден тывыңар.

**207.** Номчуцар.

### МЭЭН ДУЗАЛАКЧЫМ

Чечекмааның авазы яслиде ажылдалп турар. Чечекмаа ийиги класста кончуг эки өөренип турар. Школадан келгеш, чечектерин сүггарар, шалазын аштап арыглаар, аяксавазын чуп каар. Чечекмаа ажылга ынак кежээпей-дир. «Чечекмаа — мээн эки дузалакчым» деп авазы мактаар.

## *Айтырығга аас-бile харыылаңар.*

Сөзүглелди чүге «Мәэң дузалакчым» деп адааныл?

### **208.** Номчуңар.

#### **ЧАРАШ ЧОРУ!**

Аякка шай чайғылдырба,  
Аъш-чем-даа төгүлдүрбе.  
Аваң, ачаң сөзүн дыңнаң,  
Арыг-силиг, чарап чору.

Кеткен хевиндирбене,  
Хере базып, аштап, чуп чор.  
Артың-мурнуң көрдүнгүлөп,  
Арыг-силиг, чарап чору.

Эрги-каксы, кандыг-даа бол,  
Эки чүлгүп, аштап ап чор.  
Аксың-дижин үргүлчү чуп,  
Арыг-силиг, чарап чору.

Амыдырал культуразын  
Анчыгзынмайн, сагып чору.  
Аалга, чергө, кудумчуга  
Арыг-силиг, чарап чору.

*Ч. Кара-Құсқе*

1. Өөреникчиниң сагыыр ужурлуг чүүлдерин сактып бижиңер.

2. Үлегер домакты сактып алышар.

Улугну хүндүлээр,  
Бичиини карактаар.

**209.** Бердинген сөстерден домактар болу бээр кылдыр тургузундар.

1. Чараш, ховаган, кырын, эгеледи, капуста, долгандыр, ужуп.
2. Ыттары, келди, маңнажып, уткүй, аалывыстың, бистерге.
3. Тур, дииң, халып, кызыл-сарыг.

**210.** Номчуңар.

Шыкка бир-ле чүве шылышт дээн. Дашиболдуң чүрээ шимирт дээн. Ол шимээн чок, шимчеш дивейн турупкан. Шыпшың дүшкен. Бичии болганда, «шарт-шарт» дээш, чанындан шартылаа ыңай шурай берген. Дашибол ам-на оожургап, улаштыр кылаштап чорупкан.

Караптыр парлаан сөстер кандыг айтырыгларга харыылаттынарыл?

**211.** Домактың сөөлүнгө үн доктаашкынын кылып тургаш, номчуңар.

Каът бажыңнарда дыка хөй кижилер чурттап турар бүдүрүлгө черлеринде янзы-буру мергежилдиг улустар ажылдал турар бичии чаштар уруглар сады чоруп турар бис шкодлаларда өөренип турар бис.

Сөзүглел каш домактан тургустунган-дыр? Канчап турар? деп айтырыгга харыылаттынар сөстерни тывыңар.

**212.** Чурук бүрүзүнге бир-бир домактардан чо-гаадыңар. Чогааткан домактарыңарны бижип алышыңар. Канчап тур? деп айтырыгга харыылаттынар сөстерниң адаан ийи шыйыг-бile шыйыңар.



Үлегери: *Сүгда балык эштип чор.*

**213.** Номчуңар.

Акым үргүлчү-ле номчуттунар, номчуп алган номун менәэ дыка солун кылдыр чугаалап бәэр. Акым дыка кежәэ кижи — инек, хаван, дагаа қажаазын, херим иштин аштаар, огород сүттарар. Өөренири база дыка эки.

Э. Мижит.

Бирги, ийиги, домактарны дүжүрүп бижиңер. Канчаар? деп айтырыгга харыылаттынар сөстерниң адаан шыйыңар.

**214.** Чурукту көрүңер.



## *Айтырыларга харылаңар.*

1. Кижи хөй номчуттунар болза эки, чүгө дээрge:
2. Бирээде, ном номчуурга, ...
3. Ийиде, ном номчуурга, ...
4. Үште, ном номчуурга, ...

## **215.** Номчуңар.

Хөректенип ажынган,  
Көстүг кезээн чайганган,  
Хөл дег чажыын чаштынган,  
Хөрүүн үрүп эшкiiиргээн.

(Диңмирээшиңин, кызаңнаашкын,  
чаашкын, хат)

Тывызыктың харызынын чүү? деп айтырыгга харыллаттынар одуругга бижиңер. Тывызык иштinden канчанган? деп айтырыгга харыллаттынар сөстерни оң талазынга ушта бижиңер.

Чүү? | Канчанган?

## **216.** Номчуңар.

Ылым-чылым дүрлү берген чыткылаардаа. Ынчап чыда тура халааш, огланыр. Ооң соонда шурагылап, оюн эрээр.

Талыгырда шимээн-даашты дыңданап кааптар, таан дыыжы кулактарлыг шынчы өңнүк.

*A. Шоюн*

1. Сөзүглелде чүнүң дугайында чугаалап турардыр? Ол сөске айтырыгдан салыңар.

2. Үттиң кылдынын илередир сөстерни ушта бижиңер.

## **217.** Номчуңар.

Тывалар он ийи дириг амытан аттарындан тургустунган календарьны ажыглап турган. 60 чыл эргилделиг дириг амытаннар аттарындан тургустунган календарьны — ыяш, от, чер, демир болгаш суг деп беш халапка чарып турган. Олар — көк, кызыл, сарыг, ак болгаш кара деп өңге чарлыр.

Тыва чыл санаашкынының аттарын сактып чугаалаңар.

## **218.** Номчуңар.

Хоорайның төп әмнелгезинде кандыг-даа мергежилдиг әмчилер бар. Олар тус-тузунда карак, кулак, чүрек, бүүрек аарыгларын әмнеп турадар.

Әмчи мергежили эң-не берге болгаш харысалгалыг. Әмчилер хүн бүрүде бистерни кадык чорзун дээш, хайгаарал, әмнеп турадар.

Аарывас дизе, кижи бүрүзү чажындан тура кадынын камнаар ужуурлуг. Ынчан ол өзүп келгеш, кадык-шыырак кижи болур.

Кижины ажыл база дадыктырар. Күш-ажылга ынак кижи белен аарывас болур.

Ынчангаш кижи чажындан ажылгыр, ке-жээ чоруур болза эки.

Яңзы-бүрү мергежилдер дугайында чугаала-жыңар.

## § 21. Ат болгаш фамилияларга улуг үжүк

**219.** Клазыңарда оолдарның болгаш уругларның аттарын бижиңер.

Оолдар аттары:

Уруглар аттары:

Эштериңдерден аттарының утказын, кайынын тыптып келгенин айтырып көрүңдер. Бир эвес адыңар утказын билбес болзуңарза, оларны улуг улустан айтырып, шинчилеп көрүңдер. Чижээ:

*Арыяя* (санк.) — ыдыктыг, буянныг, дээди.

*Долума* (төв.) — хостакчы, камгалакчы, болчуңчу.

**220.** Айтырыгларга үлегер ёзугаар харыылаңар.

Үлегери: — Алышкылар деп кымнарыл?

Кады төрээн оолдарны алышкылар дээр.

— Угбашкылар деп кымнарыл?

— Кымны даайым дээрил?

— Кымны даай-авай дээрил?

**221.** Угбаларыңарның, акыларыңарның, дуңмаларыңарның фамилиязын, адын, адазының адын бижиңер.

Фамилиязы	Ады	Адазының ады
Ооржак	Аржаана	Кара-ооловна

**222.** Төрелдеринерниң адын, фамилиязын, адазының адын база мергежилин бижицер.

Төрел харылзаазын илереткен сөс	Төрелиниң ады, фамилиязы, адазының ады	Мергежилице
угбам	Ондар Солаңғы Даадыровна	эмчи
даайым	Ооржак Алдын-Херел Серенович	чолаачы

**223.** Үлегер домактарны сактып турғаш, чедир бижицер. Утказын тайылбырлаңац.

Ава кижи төлүм дээр...  
Иелиг кыс шевер...  
Ада төрели алдын...  
Ада сөзүн артынга кагбас...

Үлегер домактарда кижилерниң ниити аттарын тывыңдар.

**224.** Эжицерниң дугайында чугаалаңац.

- Эжицниң адын кым дээрил?
- Ол каш дугаар класста өөренип турагыл?
- Ол кайы кудумчуда чурттап турагыл?
- Ол хостуг үезинде чүнү қылышынга ынагыл?
- Сен эжин-бите кандыг әртемнерге ынак сен?

— Сен эжин-бile кады кандыг бөлгүмче барып турар сен?

— Эжинциң кандыг аажы-чаңы сенээ тааржыр-дыр?

Ат болгаш фамилияны, адазының адын улуг үжүктөр-бile бижиir. Чижээ: *Ооржак Серенмаа Сундуевна*.

**225.** Тываның сураглыг херээжен кижилеринин аттарын фамилияларының дузазы-бile тывыңар.

1. Тываның хоочун артизи, «Хайыраан бот» деп шииде Карапың ролюн ойнап чо-раан артист — Мунзук ...

2. Тыва ие кижиниң уруу, бүгү делегейде сураглыг чурукчу — Рушева ...

3. Ча адар спорт талазы-бile Олимпий оюннарының киржикичизи — Достай ...

Үстүнде ады кирген сураглыг херээжен кижилериниң аттарын сактып алышар.

**226.** Ниити болгаш хуу аттарны улаштыр бижицер.

Ниити аттар: *ача, ава* ...

Хуу аттар: *Омак, Чечек* ...

**227.** Нарын аттарны шын бижицер.

Алдын-Херел, Анай-Хаак, Биче-кыс, Орлан-оол.

**228.** Кыс уруглар аттарын, оол уруглар аттарын аңгылап бижиңер. Нарын аттарның шын бижии-рин, адаарын сактып алышар.

Аржаан, Солаңғы, Анай-Хаак, Долума, Анай-оол, Анай-Саар, Анай-Кара, Алдын-Херел, Адыг-оол, Дамба-Доржу, Ай-Чүрек, Хүн-Сулуу, Ай-Херел, Хүн-Чүрек, Алдын-кыс, Артыш.

**229.** Сөзүглелди аянныг номчуңар. Кижилерниң аттарын ушта бижээш, улуг үжүктөрниң адаан шыйыңар.

### УРАНМААНЫҢ ОЙНААР-КЫЗЫ

Уранмаа садигинге авазы-бile кады келген.

— Эки-и, Лидия Михайловна! — деп, бичии уруг мендилээш, өөрүшкүлүг чугаалаан: — Бис чедип келдивис.

Эмчи хөглүг каттырымзап, чугаалап үнген:

— А-а! Эки-и, эки-и! Авашкылар иелээн келген ышкажыл.

Уранмаа эмчизиниң арнынче көрбүшаан:

— Чок-чок! Бис үжелээн келдивис, Лидия Михайловна — дээн.

Эмчи «оон ыңай кым бар чоор?» дээн бодалы-бile дилегзине аарак көргүлээн. Өске кым-даа чок болган.

— Ынчаарга бирээндер кымыл, Уранмаа?

— Бо бичии Юлияжык келди — дээш, ол ойнаар-кызын көргүскен.

— Чаптанчыгбай сени-даа! — деп, эмчи Уранмааны чассыткан.

*X. Ойдан-оол*

**230.** Номчуңар.

Кижиңинц адын адаары — нарын болгаш онзагай болуушкун. Кижиңинц ады ээзининц салым-чаяанынга, амыдыралынга улуг ужур-уткалыг. Адындан кижиңинц аажы-чаңын, мөзүзүн билип ап болур дээр.

Ат адаарда мындыг чүүлдерни сагып көрүп турар:

- чурттап чоруур азы төрүттүнген чери-ниң онзагай чүүлүн демдеглеп адаар: Артыш, Хемчик;
- экини күзеп адаар: Буян, Чыргал;
- арын-шырайын, даштыкы хевирин дүр-зүлеп адаар: Кызыл-оол, Кара-кыс;
- ойзуп адаар: Өшкү-Саар;
- алдарлыг кижилерниң ады-бile адаар: Сүбедей дээш оон-даа ёске.

Чечен-оол, Кежик, Сайлышмаа, Сылдыс, Даш-оол, Чечекмаа, Чойгана бо аттарны чүнү сагып тургаш адаан-дыр, тайылбырлацаар.

**231.** Номчуңар. Чамдык сөстерниң эгезин чүгэе улуг үжүктөр-бile эгелеп бижээнил?

1. Чогаалчы Леонид Борандаевич Чадамба-ның шүлүктөрин өөренип турар бис. 2. Чогаалчы Чооду Күнзекович Кара-Күске уругларга

дыка хөй шүлүктерни бижээн. З. Композитор Вячеслав Альбертович Танов уругларга хөй ырларның аялгазын чогааткан.

**232.** Хөй сек орнуунга чогуур үжүктерни чедир бижиңер. Шын бижилгезин тайылбырлаңар.

Эртен элээн частай каапкан. ...уман чоорту арлы берген. Частыг эртеннерде аңнаарга, аң ыя...п-ла таваржыр. Ынчангаш аңчылар эртежик аyttаныпканнар. Ойт-сигенниң шалыңы черже дүжүп турган. ...айгаларның бедик ка...ттарында те-чуңманың даажы дың-налган.

**233.** Хөй сектер орнуунга чогуур үжүктерни немеп бижээш, шын бижээниңерни словарь-били шүүштүрүңер.

...ыва, кон...ки, о...ттуг, а...аар, э...и, ...уман, а...ак, а...пар, кат...ырар, кет...инер, а...ттаныр, от...ар.

*аппаар*

*каттырар*

*нөс*

*пөссүг*

## § 22. Азырал амытаннарның шола аттарынга улуг үжүк

**234.** Номчуңар.

Азырал амытаннарның нийти аттары: *инек, аът, ыт, моортай, хой, өшкү.*

Азырал амытаннарның шола аттары: *Калчанак, Челер-Ой, Васька, Көстүк.*

Азырал амытаннарның шола аттарын улуг үжүк-билие бижиир. Чижээ: Эгерең, Оглаа-Шилги, Хертеш-Хүрөң, Саарзың-Мыйыс.

*Май 9 — Тиилелге хүнц*

**235.** Номчуңар.



Хөй чылдар эртсе-даа, Вера Байлак бодунуң аныяк, дайынчы үезин утпаан. Адачурттуң дайынының эң дүшкүүрлүг хүннеринде Вера Байлак Совет шеригниң кезээнге эки турачы бооп кирген. Эки турачы кыстар шупту он кижи болган.

Тыва эки турачы шериг кезээн баштай дайынчы белетkelge өөреткеш, фронтуже айткарыпкан.

Бирги Украина фронтузу. Маңаа Тываның эки турачы эскадрону тулчуп турган.

Дайын үезинде маадырлыг чоруу дээш, Вера Байлакты «Ада-чурт дайынының» ордениниң бирги чергези-бile шаңнаан. Тывазынга тиилелгелиг ээп келирге, ону Республика Ордени-бile база «Германияны ашкан тиилелге дээш» деп медаль-бile шаңнаан.

1. *Дүшкүүрлүг* деп сөске чоок уткалыг сөстен тывыңар.

2. *Ада-чурттуң дайыны, эки турачы эскадрон, маадырлыг чорук* деп сөстерниц каттыжыышынын дүжүруп бижээш, шын бижириин сактып алыңар.

### **236.** Номчуңар. Утказын тайылбырлаңар.

Тайбың дээш, найырал дээш туржуп тур бис. Дайын-чаа болбазын деп күзеп тур бис.

1. Сактып бижириинге белеткениңер.

2. Бижип алганыңарны ном-бile шүүштүрүңер.

### **237.** Хөй сек орнуунга сөстерни киирip бижиңер.

Берлин хоорайда улуг ... тургускан. Бажыңардан бедик ногаан тей кырында ... кылган маадыр туруп туар. Бир холунда аар ..., өске холунда бичии уруг көдүруп алган туар. Бедиктен солдат, тайбыңче халдаар дайзыннаар бар бе дээнзиг, ... көрүп туар.

Киирер сөстер: *тураскаал, даштан, хылыш, түрлүг*.

**238.** Номчуңар. Дириг амытаннарның аттарын ийи одуругга аңғылаңар. Ниити аттарын — солағай, шола аттарын оң талазынга бижиңер.

1. Бисте Дөңгүр-Шилги деп инек бар. Ол сүткүр инек. 2. Ачамда Оглаа-Шилги деп чүгүрүк аytt бар. 3. Черлиқпен — угаанныңыз.

**239.** Чурукту көрүңер. Азырал амытаннарга шола аттардан бериңер. Оларны дараазында үлегер ёзуғаар бижиңер.



Үлегери: *Бо Калчан-Шилги деп инек.*

**240.** Номчуңар. Ыттың ниити болгаш шола адын ушта бижип алыңар.

### ТЕНЕК ХАВА

Эгерек деп хаважық  
Элдепейлиг чаңыг де.  
Бопук анаа чыттырбас,  
Бо-ла алгаш ыңай боор.

Ооң-бile ойнап-ойнап,  
Ол-ла черге октаптар.  
Чуду-кара уруглар дег,  
Чурум билбес хаважық.

*E. Танова*

Ыттарның кандыг шола аттарын билир силер,  
сактып чугаалаңар.

**241.** Азырал амытаннарга чүге ындыг шола аттар бергенин тодарадыңар. Таблицаны долдуруңар.

Азырал амытанның ниити ады	Азырал амытанның шола ады	Онзагай демдектери
кулун	Сылдыс-Шокар	
инек	Дагыр-Мыйыс	
хава	Көстүк	
анай	Сыргалыг	

**242.** Номчуңар. Дириг амытаннарының шола аттарын адаңар.

### ХАЙГЫЫЛЧЕ

Космосче бир дугаарында бистиң өңүктөривис — ыттар чорааш келгеннер. Эртемденнер оларны хайгыылче чоруткан. Ракеталарга Лайка, Белянка болгаш Пёстрайя, Белка биле Стрелка, Чернушка биле Звёздочка ушканнар. Отважная деп ыт космосче беш катап чораан.

Ыттарның шола аттарын ушта бижиңер.

**243.** Номчуңар.

### АНАЙЛАРЫМ

Анайларым ийи,  
Артында-ла ийис.  
Дөмейлери аажок,  
Дөңгүр-дөңгүр, көк-көк.

Кулактары бичии,  
Күштуу ышкаш шумаш.  
Моюннары база  
Мончуктарлыг чараш!

Ч. Кара-Күске

Анайларның онзагай демдектерин тодарадыңар.  
Ол демдектерин барымдаалап кандыг шола аттар берип болур-дур, бижицер.

**244.** Номчуңар. Азырал амытаннарың шола аттарын адаңар.

1. Ачамның аңап мунар Челер-Ой деп аъды бар. 2. Дииннээрде оозун мунуп алыр. 3. Эгерек деп ыдын эдертип алыр. 4. Оюн Севенмаа Калчанак деп инээнден хөй сүт сагган. 5. Бистин Саарзык-Мыйыс деп инээвис кончуг сүткүр.

**245.** Бодуңнун инээнниң, аъдыңның, ыдыңның, моортайыңның шола адын бижи.

Аъдым ады ..., ..., ыдым ады ...,

**246.** Азырал амытаннарың чүзүнүн көргүскен сөстерни сактып бижицер.

Үлгери:


Инек — шилги, ...

Айт — доруг, ...

Өшкү — өле, ...

Чүзүнүн барымдаалап, оларга кандыг шола аттар берип болур-дур, бижицер.

## 247. Чуруктарны көрүңдер.



Домактарны номчуңар. Оларны чуруктарның дес-дараалашкаанга таарыштыр шилип кириңер.

### ШЫНЧЫ ӨҢҮК

Хемези хенертен чайлы берген.  
Кара-оол хемеден сыйырткыныштап турган.  
Оол сугже дүжүп, алгырып эгелээн.  
Шарик оолдуң хөйлециндөн ызырып алгаш, эрикче үндүр сөөртүп әккелген.  
Оолдуң Шарик деп ыды сугже кире халаан.

### § 23. Чурттар, хоорайлар, суурлар, кудумчулар, хемнер аттарынга улуг үжүк

Чурттар, хоорайлар, суурлар, кудумчулар, хемнер аттарын улуг үжүк-бile эгелеп бижиир.

Чижээ: Тыва Республика, Туран хоорай, Сукпак суур, Хемчик хем, Байкал хөл.

**248.** Номчуңар. Аржааның ады канчаар тыптып келген-дир, сөзүглелден тывыңар.

## БЕЛ

Бел аржаанының ат-сураа чүгле кожуунда эвес, өске черлерде база нептерей берген. Адааны ылап-ла шын. Бай-Тайганың белинде тейлерден үнүп чыдар. Шоргалардан саарлып турар суглар хүн херели-бile азы чаашкын соонда дугаланы бергилээр чөлээштер ышкаш.

Аңаа даянгыыштыг келген улус эмненип эттингеш, даянгыыжын каапкаш, чанып турары ховар эвес.

### Б. Чюдюк

Ийи сөстен тургустунган хоорай, суур, хемнер, хөлдер аттарын дефистеп бижиир:  
*Кaa-Хem, Сарыг-Сен, Шагаан-Арыг, Тес-Хем.*

**249.** Нарын хуу аттарның бирги кезээн чедир бижинцер.

... -Аксы, ... -Хөл, ... -Бажы, .... -Хем,  
... -Тайга, ... -Довурак.

**250.** Кичээнгейлиг номчуңар.

Май-оол Туматтың төрээн суурунуң ады Кулузун-Шынаазы. Ону чүге ынчаар адаан деп! Черле ындыг ышкаждык: черлер аттарын туружунун, үнүш-дүждүнүң аайы-бile адап каан болгулаар. Хам-Дыт дээн дижик.

Күспак четпес дыттарның хөй кезии уяланчак будуктарлыг болурга ынча дээр.

Талдыг-Чарық. Бо бичии черни көрбээн кижи бодалынга чуруп алыр. Даады-ла тал үнген, чоогунда бүүрелчин, дагларда талдан өске үнүш чок, булак суглуг ой ишти чердир.

Суглуг-Чарық, Саглан-Дыт, Кош-Терек,  
Мугур-Арыг, Даштыг-Хавак, Каът-Хавак,  
Чингэ-Дөргүн...

Э. Донгак

Черлер аттары канчаар тыптып келир-дир, чугаалаңдар.

**251.** Онаалгаларны күүседиңер.

1. Чурттап турагыңар сууруңар (хоорайыңар) адын бижиңер.
2. Чурттап тураг кудумчуңар адын бижиңер.
3. Өөренип тураг школаңар кайы кудумчуда турагыл?
4. Хоорайыңар азы сууруңар кайы хемниң чанында турагыл?

Кыска сөзүглел тургускаш, бижип алышар.

**252.** Хуу аттарны номчуңар. Дүжүрүп бижиңер.

Азас, Чагытай, Хемчик, Тере-Хөл, Дус-Хөл.

Кайы сөс артык-тыр? Чүге? Тайылбырлаңар.

**253.** Аржаан аттарын чүге ынчаар адааныл, тайылбырлаңар.

Шивилиг, Ургайллыг, Хадыңныг-Дөргүн,  
Талдыг-Чарық, Дустуг-Хем, Хаялыг.

**254.** Бирги кезээнде саннар кирген черлер, суурлар аттарындан сактып бижицер. Шын бижэениндерни хынаңар.

Чижээ: *Алдан-Маадыр, Ийи-Тал, Уш-Белдир.*

**255.** Номчуңар.

Кижи бүрүзү төрээн чурттуг болур. Мээн төрээн чуртум — Тыва Республика. Ол менээ улуг аас-кежик.

Дүжүрүп бижииринге белеткеницер. Дүжүрүп бижээш, хынаңар.

## § 24. Төрел сөстер

**256.** Сөстерни одуруглар аайы-бile номчуңар.

сад	ажыл	балык
садчыгаш	ажылчын	балыкчы
садтыг	ажылдыг	балыктыг
садчы	ажылдакчы	балыкчыгаш

Нийти кезектиг сөстерни *төрел сөстер* дээр. Олар утка талазы-бile чоок болур.

**257.** Сөс бүрүзүнгэ айтырыгдан салыңар.

Кат, каттыг, каттаар, катчылар.

Сөстерниң утказын тайылбырлаңар, дүжүрүп бижээш, ниити кезээн шыйыңдар.

Чижээ: *Кат дәэрге үнүштүң чемижи;*  
*Каттыг дәэрге ...*  
*Каттаар дәэрге ...*  
*Катчылар дәэрге ...*

**258.** Хөй сек орнунга *кат, мал, балык, эм* деп сөстерни айтырыглар ёзугаар төрел сөстер болу бээр кылдыр бижиңер.

Чүү? — ..., кандағ? — ..., канчаар? — ....  
Үлегери: Чүү? — *дилги*, кандағ? — *дилгилиг*, канчаар? — *дилгилээр*.

**259.** Эжеш аайы-бile номчуңар.

Арыг — арыглыг, чурук — чурукчу — чуруктуг, аң — аңчы — аңныг, далай — далайлыг — далайжы.

Төрел сөстерге айтырыглардан салыңар. Дөмей кезектерин адаңар. Дүжүрүп бижээш, дөмей кезектерин кырынга ээтпек шыйыг-бile демдегленер.

**260.** Номчуңар. Дүжүрүп бижиңер. Төрел сөстерни кырынга ээтпек шыйыг-бile демдегленер.

1. Бо чылын тараа чаагай үнген. 2. Та-раалыг черлерни көөрге, чиңгир ногаан болу берген. 3. Суурувустун тараажылары хөй дүжүт ажаап алган.

**261.** Канчаар? деп айтырыгга харыылаттынар сөстерден тургузуңар.

Чижээ: *Кат — каттаар.*

Кат — ..., тоорук — ..., сиген — ..., бүрү — ..., ыяш — ..., мөөгү — ....

Оларның-бile домактардан чогаадыңар.

**262.** Канчаар? деп айтырыгга харыылаттынар төрел сөстерни шилип алышар.

Чүү?	Канчаар?	Чүү?	Канчаар?
ужуражылга —	ужуражыр	терге — ...	
чугаа — ...		хеме — ...	
шанак — ...		хаак — ...	

**263.** Одурug бүрүзүнде сөстерден төрел сөстерни тыпкаш, номчуңар.


Далай, балыкчы, далайжы.

Чолаачы, тудугжу, чолаачылаар.

Тараа, андазын, тараажы.

Садыг, бараан, садыглаар.

**264.** Сөстерниң утказын болгаш ниити кезээн деңнеңер. Хөй сектер орнуунга сөстүң утказынга тааржыр кезектен немеңер.



Бажың — бажың... Диис — диис... Хуун — хуун...

**265.** Адаанда сөстерни төрел сөстер кылдыр тургузуп бижиңер.

Хову, хеме, аът, терге, алдын, сиген, суг, хаак, хат, салғын, кат.

Үлегери: *Алдынчы, алдынныг, алдыннаар, алдынзыг.*

**266.** Төрел сөстерни дүжүрүп бижиңер. Оларның ниити кезээн тодарадыңар.

Кажаа, кажаалаар, кажаалыг; тудуг, тудугжу, тудуглуг; тараажы, тараалыг, тараачын; дагжы, дагжыгаш, даглыг; чурук, чурукчугаш, чурукчу, чуруктүг.

**267.** Дүжүрүп бижиңер. Хөй сек орнунга төрел сөстерни кириңер.

Бо чылын бистиң черде ... арбын. ... күзүн аyttаныр. ... улус баш бурунгаар белеткенип алыр. ... кежи үнелиг.

Хереглээр сөстери: *дииңниң, дииң, дииңнексээр, дииңчилер.*

**268.** Ниити кезектиг сөстер-бile домактардан чогаадыңар.

Аң, аңчы, аңныг, аңнаар, аңнаашкын, ужудукчу, ужудуушкун, тиилекчи, тиилелгэ, тиилээр.

**269.** Номчуңар.

1. Сиген чаагай үнген. 2. Сүүзүннүг сиғенге мал семириир. 3. Сигенчилер шалыпкын ажылдап турар. 4. Терең сиғеннег чөрлерге айттыг кижи көзүлбес чыгыы. 5. Ачам сиғеннеп турар. 6. Мен база сиғеннээр мен.

Төрөл сөстерни тывыңар. Оларның ниити кезээн айтыңар.

**270.** Бердинген сөстерге төрөл сөстерни айтырыглар аайы-бите немеп бижиңер.

Кыш (*чүү?*), (*кандыг?*) ... , (*канчаар?*) ... .

Кат (*чүү?*), (*кандыг?*) ... , (*канчаар?*) ... .

Тоорук (*чүү?*), (*кандыг?*) ..., (*канчаар?*) ... .

Суг (*чүү?*), (*кандыг?*) ... , (*канчанган?*) ... .

Аът (*чүү?*), (*кандыг?*) ... , (*канчанган?*) ....

Аңчы (*кым?*), (*кандыг?*) ... , (*канчаар?*) ....

Эм (*чүү?*), (*кандыг?*) ... , (*канчаар?*) ... .

Үлөгери. *Кыш, кышкы, кыштаар.*

Сөстерни демдеглеңер:

1) кым? чүү? деп айтырыгларга харыллаттынар сөстерни чаңгыс шыйыг-бите;

2) канчаар? деп айтырыгга харыллаттынар сөстерни ийи шыйыг-бите;

3) кандыг? деп айтырыгга харыллаттынар сөстерни дыйлагар шыйыг-бите шыйыңар.

**271.** Төрел сөстерни ажыглап турғаш, чурукка хамаарыштыр харылзаалыг чугаадан тургузуңар.



**272.** Номчуңар.

Эртен тұра халааш, сула шимчәэшкінден кылыңар. Чылдың чылығ үелеринде арыг агаарға маңнаар, сула шимчәэшкіннер кылышыр херек.

Аас ишти соолаш кынныр акқыр өңнүг диш чуур-бile дижиңерни чуп туруңар. Диштер арыг болгаш ак болур. Арныңарны, мойнуңарны саваңнап чунуңар. Сула шимчәэшкін кылышыры — кижиңиң кадық-шыырак болурунга ажыктығ.

Чүнүң дугайын чугаалап турарын чугаалаңар.

**273.** Чуруктарга хамаарыштыр төрел сөстерден тывыңдар.



**274.** Номчуңар.

### ОГОРОД

Арыг кыдының бажыңнары шупту огородтүг. Аңаа картофель, тарымал тоорук, согуна, капуста, огурец, помидор, редиска, морковь дәэш чүнү-даа тарып туар.

Мәен авам огородунга ногааны база тарып алыр кижи. Ол бүгүнү тарып олуртурун аңаа орус кожалары айтып берген. Ногааны чайын ажаарынга шыдаар-ла шаавысбилие ававыска дузалажыр бис.

Огород дүждүү чаагай боорга, бичии уруглар дыка амыраар.

*Э. Кечил-оол*

*Огородтүг* деп сөстүң шын бижилгезин сактып алыңдар. Чүнүң дугайын чугаалап туарын чугаалаңдар.

**275.** Аянныг номчуңар.

### КОЙГУНАК

Ачам-бile агаарлаар дээш,  
Алаактыва базыптывыс.

Койгунак бо мурнувустан  
Кожаңгырлап ыңай болду.

Хоюп дескен койгунакче  
Холум чайып кыйгырдым.  
Амдын койгун тоовады-даа,  
Аргазынче шимеш диidi.

Кортук чүве койгунчугаш  
Хоруй берген олур боор.  
Азыралга өөретсимзэ,  
Адырылбас апаар боор.

*E. Танова*

Төрел сөстерни ушта бижээш, нийти кезээн шыйыңар. Койгунну чүге ынчаар адааныл, тайылбырлаңар. Ол дириг амытанның оон өске аттарын адаңар.

**276.** Сөзүглелди домактарга чарып бижиңер.

### ПӨШ

Пөш — ине бүрүлүг ыяш чаагай пөштер Сибирьде болгаш Тывада үнүп турага пөштүн тооруу хоолулуг чөмнүүг ооң тооруунда чигир болгаш үс хөй. Пөштү камгалаар.

Пөш кандыг ажыктыг ыяжыл?

## § 25. -ла, -ле, -на, -не деп артынчыларны шын бижири

**277.** Номчуңар.

Сүгда балыктар чөмнеп-ле тур. Сыырткысы-жымны оқтадым-на. Шелеш дээрge шелдим-не. Улуг-ла кадыргы ушта шелип алдым.

-ла, -ле, -на, -не деп сөстерни хамаарышкан сөстеринге канчаар бижээн-дир?

Долу уткалыг сөстерге азы домактарга хамааржып, оларга немелде утка киирер дузалал сөстерни *артынчылар* дээр.

-ла, -ле, -на, -не деп артынчы сөстерни мурнуnda турага сөстеринге дефистеп (-) бижиир. Чижээ: *кижи-ле, мал-ла, барган-на, кидин-не*.

**278.** Номчуңар. Караптыр парлаан сөстерге -ла, -ле деп артынчыларны кирип тургаш, номчуңар. Ол сөстерни ушта бижицер.

### КАДЫ ОЙНААЛ

Ойнаар дигеш, үнүп кээр мен,  
Ол-... дораан бажыңыңче,  
Диистен корткан **кускежик-**...,  
Дидиредип ыңай боор сен.  
Менден деспем, чаа кожам,  
Мени бүдүү бакылавам.  
Үнүп кел, оол, таныжып аал,  
**Ургулчү-**... кады ойнаал.

Э. Кечил-оол

Чаа кожазының дугайында чүнү чугаалап турарыл?

**279.** Дүжүрүп бижицер. Хөй сек орнунга -на, -не, -ла, -ле деп артынчыларны немеп бижицер.

Кыштың соогу эрте-... бээр,  
Кылын хары эрий-... бээр.  
Алдын хүнүм хүннезин-... ,  
Ажы-төлдер хөглезин-... .

**280.** Адаанда сөстерге -ла, -ле, -на, -не деп артынчыларны аяннаштыр кирип бижицер.

Хая-..., ном-..., аң-..., үе-..., дыт-...,  
хем-..., өрге-..., чаан-..., дош-..., пөш-... .

Соокта шил -..., чылыгда хөл-.... (*Кылама дош.*)

**281.** -ла, -ле, -на, -не деп артынчыларны хөй сек орнунга кирип тургаш, номчунар.

Кадарчывыс өөндөн үнгеш,  
Кажаа аксын ажытты-... .  
Хамык хою ховужукче  
Калбаа-бile шуужуп-... үндү.

Кадарчызы хойнун соондан хайгаарал  
каап, чортуп-... чор.

Малчын болуру хүндүлүг-... ат. Ыды соон-  
дан-... халыды.

-ла, -ле, -на, -не деп артынчылыг сөстерни ушта  
бижицер.

**282.** Адаанда сөстерни кирип тургаш, домак-  
тардан чогаадып бижицер.

Хевис-ле, алган-на, көрген-не, дөрт-ле,  
чораа-ла, шаңнаткан-на, шын-на.

**283.** Хөй сек орнунга *-ла*, *-ле*, *-на*, *-не* деп артынчыларны кирип тургаш, номчуңар.

Бистин аалдың оолдары хүрежип ойнаарынга аажок-... ынак улус. Чес-Булун қыдырында шыкчыгашка бо-... хүрежип, кым күштүгүл, кым кошкагыл дижип, маргыжып-... турар. Мен база акымдан чыда калбас, оларның аразында барган турар мен. Оолдарның эң-... улуу болгаш шыыраа Буга акым турган. Оолдар-бile шоолуг хүрешпес кижи, дөмей-... октап алыр. Ол харын оолдарга хүрежир аргазын айтып берип, «Бутта! Дегээле!» деп алгыргылай каап турар.

*Е. Танова*

**284.** Хөй сек орнунга *-ла*, *-ле*, *-на*, *-не* деп артынчыларның тааржырын кирип тургаш, дүжүрүп бижиңер.

1. Авам биске дыка-... солун тоол ыдып берген. 2. Мен эртенниң-... сула шимчээшкін кылыш турар мен. 3. Күштүг-... машина-дыр. 4. Далайда эң улуг амытан кит-... болгай.

**285.** Хөй сек орнунга тааржыр сөстерни кирип тургаш, дүжүрүп бижиңер.

1. Садыгда янзы-бүрү ... хөй. 2. Қадырғы ... бүрүзүндө бар. 3. Частың хүнү ... . 4. Чагган хар... эгеләэн.

Хереглээр сөстери: *эрип-ле*, *бараан-на*, *келди-ле*, *хем-не*.

## § 26. *-даа* деп артынчыны шын бижири

**286.** Дүжүрүп бижицер. *-даа* деп артынчыны мурнунда сөзү-бile кады адаан шыйыңар. Ол сөстү мурнунда сөстеринге канчаар бижээн-дир, көрүңер.

1. Кыш-даа эртти, час-даа дүштү, кылын хар-даа эрий берди. 2. Медээ эдипти, кичээл-даа эгеледи. 3. Өөреникчи кижи каяа-даа чурумнуг болур. 4. Чечекмаа — мээн эжим. 5. Школаже чоруурда-даа, школадан кээрде-даа үргүлчү кады чоруур бис.

*-даа* деп артынчыны мурнунда туарар сөзүнгө дефистеп бижиир. Чижээ: *кижи-даа, азт-даа, хову-даа, ак-даа.*

**287.** Номчуңар.

Эрткен дыштаныр хүнде эжим-бile эки-ле дыштандывыс. Суурнуң улуг-биче кижилери хаактап-даа, бичии уруглар шанак-бile чунгулап-даа турган. Арыг агаарга дыштаннырга, кадыкшылга дыка-ла ажыктыг.

Силер дыштаныр хүннү канчаар эрттирип туарыңарны чугаалаңар. *-даа, -ла, -ле, -на, -не* деп сөстерни канчаар бижирил?

**288.** Хөй сек орнунга *-даа, -ла, -ле, -на, -не* деп сөстерни тааржыр черлеринге кирип номчуңар.

1. Өөреникчи школага номчуур-..., бижири-..., харылаар-..., ойнаар-.... 2. Ажыл-га ажыры улуг аът малым эки-... ийин.

3. Аңчы хенертен-... чаа иске таваржы берген. 4. Исти ызырты-... истээш, чорупкан.

Ол артынчыларны кирип тургаш, дүжүрүп бижинцер.

**289.** Хөй сек орнунга херек сөстерни кирип тургаш, домактарны бижип алыңдар.

1. Бистинц Тывавыста ... хемнер бар. 2. Хоойлу ёзугаар кижилер ... эргелиг. 3. Көдээде чон ... тарып туар. 4. Чайын ... хүннер тургулаар.

Хереглээр сөстери: *ажылдаар-даа, өөренир-даа, дыштаныр-даа; улуг-даа, бичии-даа; аяс-даа, бүргег-даа; ногааны-даа, тарааны-даа.*

Кандыг? деп айтырыгга харыылаттынар сөстерни чугаалаңдар.

**290.** Хөй сек орнунга *-даа, -ле* деп артынчыларның каяа кирерин тывыңар. Дүжүрүп бижинцер.

## ОЙНААР-КЫЗЫМ

Ораап-шарып, кавайлап-...

Ойнаар ойнум — ойнаар-кызым.

Эргеледип, өпейлеп-...

Эрикпес-.. ойнаар-кызым.

Ашкарыйп-..., чемгерип-...,

Адактап-..., хепкериp-...,

Кавайлаар-..., өпейлээр-...

Кайгамчыктыг ойнаар-кызым.

*Ч. Кара-Күске*

**291.** Хөй сек орнунга *-ла*, *-не*, *-даа* деп артынчыларны немеп тургаш, дүжүрүп бижиңер.

1. Талыйты-... чатты берген тараа шөлү бо-... болгай. 2. Тараа, ногаа эң-... чаагай үнер чер боор. 3. Комбайн тарааны кестирир-..., бастырар-..., арыглаар-.... .

**292.** Караптыр парлаан сөстерни ушта бижээш, шын бижилгезин сактып алыңдар.

Аныяандан кижи күш-ажыл кылыш өзүп-мандыр-даа, мага-боду-даа быжыгып сайзыраар, угаан-сегээн-даа улажыр деп үлегер чугаа бар болгай.

Ажылдап эгелээрge, кижииниц сагыш-сеткили сергеп, эр шинчи кирип, кашпагайы кайгамчык апаар чүве чораан, ынчангаш кижииниц доора будулар үези чок апаар.

С. Танов

**293.** Номчуңар. *-ла*, *-даа* деп артынчыларны хөй сек орнунга кирип бижиңер.

### ХОЛЧУГАШТАР

Тутпас, кылбас ажылы чок  
Дузааргак -... холчугаштар.  
Хүнзедир -... ажылдап кээр  
Хүндүткелдиг холчугаштар.

Солагай -..., он -... холдар  
Солуттунмас, октаттынмас.  
Ажыы улуг холчугаштар  
Арыг-силиг, камныг чорзун!

Ч. Кара-Күске

Кандыг кижиини алдын холдуг дээрил, чугаалацар. Чүге алдынга дөмейлеп турарыл?

## ДОМАК БОЛГАШ ХАРЫЛЗААЛЫГ ЧУГАА

### § 27. Домак

**294.** Номчуцар.

#### ОЛЯНЫЦ НОМНАРЫ

Оля биле Кара-кыс үшкү класстың өөреничилери. Олар кайгамчык найыралдыглар. Бажыңга алган онаалгаларын үргүлчү кадыкүүседирлер.

Бир-ле хүн Кара-кыс эжи-бите кичээлдеп оргаш, айтырган:

— Сээн номнарыңны кажан сатканыл, Оля?

Оля харылаан:

— Эрткен күзүн. Мээн акым Өнер-оолдуң дөрткү классче шилчээш, менээ берген номнары ышкожыл.

— Дыка-ла камныг эдилээн-дир аа! Чаңгысдаа шыйып, шокарлаваан.

X. Ойдан-оол

1. Оляның акызы номнарын канчаар эдилээндир?
2. Силер номнарыңдар канчаар эдилеп турар сиller?
3. «Эртем чокта, эртен база дүн» деп үлөгер домактың утказын чугаалап көрүнцерем.

Тоожуушкун дээрge көрген, дыңнаан, киришкен болуушкуннуң дугайында десдараалашкак кылдыр дамчыдары болур. Тоожуушкун дараазында кезектерден тургустунар: 1) эгези; 2) кол кезээ; 3) төнчүзү.

Тоожуушкунга чугула чүүл: болуушкунну кым азы чүү кажан, каяа, канчаар күүседип турары болур.

**295.** Чурукка хамаарышкан айтырыгларны аасбилие харылаңар.



1. Чылдың кайы үезил?
2. Чурукта уруглар чүнү кылышп турар-дыр?
3. Хүн кандыг турганыл?
4. Арыг ишти, оът-сиген кандыг-дыр?

Сөзүглел дээрge 2 азы оон хөй домактардан тургустунган харылзаалыг чугаа. Ында домактарны ниити тема катыштырып турар. Сөзүглелге ат чогаадып болур.

**296.** Хөй сек орнунга тааржыр сөстерни кирип бижиңер.

Кыжын чараа-чечен бөлүк шагбан адаанга . . . Чылыг час . . . Оът-сиген . . . Чараа-чечен шагбан аразындан . . . Чараа-чечен димзенип . . .

Хереглээр сөстери: *цнцп келген, кыштаар, дүшкен, туруп келген, чорупкан.*

**297.** Шүлүктү номчуңар.

Школавыс баарында  
Чараш, ногаан сесерлик бар.  
Яңзы-бұру чечектерни  
Чазын аңаа тарып қаар бис.

Мында каш домак бар-дыр?  
Караптыр парлаан сөстерге айтырыглардан салыңар.

**298.** Номчуңар.

Үндүрүп келген, механизаторлар, шөлче, тракторларын.

Чоруп тур, тарылға, часкы.

Чаштырып тур, үрезинни, шилип алган.

Бо сөстер чүге домактар болбазыл? Сөстерни домактар болу бәэр кылдыр тургузуп, бижиңер.

Домак дәэрге төнген утканы илереткен чаңгыс азы әләэн каш сөстер. Домакта сөстер утка талазы-бile харылзаалыг болур.

### **299.** Номчуңар.

Кээрген — «агроном» эртөмнүүг, пөш өстүрериниң мастери күш. Ол үүжеге хөмгөн сан-түң чок кончуг хөй тооруунуң чүглө өвөөш хуузун уштуп чиир. Оонд черде чыдып калган хөй нуруузу бичии пөш шетчи-гештери болуп үнгүлөп кээрлер. Ынчангаш кээрген арганың пөш тарыкчызы деп чаагай атты әдиллээр ужурлуг.

*М. Эргөн*

1. Кээргенин чүгө «агроном» күш деп турагыл?
2. Бичии пөшчүгештер канчаар үнүп кээр-дир?
3. Арга-арыгны чүгө камгалаар ужурлуг бис?

**300.** Номчуңар. Домактың төнчүзүн үн доктааш-кыны-бите тывыңар. Дүжүрүп бижиңер. Домактарның сөөлүнгө улуг сектерден салыңар. Эгезин улуг үжүк-бите бижиңер.

Час дүшкен хамык күштар чедип келген аң-араатан ижээнинден үнгөн сайлыктар сайда олурганнаар чазын магалыг-ла.

### **301.** Домактарны номчуңар.

1. Авам базып тур.
2. Авам хеп базып тур.
3. Авам хепти илиир-бите базып тур.
4. Кара-кыс чуруп олур.
5. Кара-кыс машина чуруп олур.
6. Кара-кыс машинаны будук-бите чуруп олур.

Домак бүрүзүнде кымның дугайын чугаалап турар-дыр, ол сөс кандыг айтырыгга харыылаттынар-дыр, чугаалаңар. Домак бүрүзүнде авазының болгаш Қара-кыстың дугайында чүнү чугаалап турарыл, ол сөс кандыг айтырыгга харыылаттынарыл, чугаалаңар.

### 302. Номчуңар.

## ҮРЕЗИНЧИГЕШ

Орай күс турган чүве-дир. Аңгыс черге чаңғыс борбак Қызыл-тас үрезини чыдып калган. Қара-дондак дүжүп, соогу дендеп бар чыткан. Үрезинчишти Хөрзүн кээргээш, ону бодунуң чылышы-бile чылышып, шуглаап алган. Шаң-туманныг кыштың соогунга доңмазын дээш, Хар Қызыл-тас биле Хөрзүннү шуглааш чыдыпкан. Қыш шак ынчаар-ла шаң-туманны тынып, хатшуурганны бүлгүрүп, ажыңадыр сооп эрте берген.

Чылыш үе кээргэ, Қызыл-тас үрезинчи-гежи омак-сергек болуп, баштай кулакталып, оон чоорту узап эгелээн. Қызыл-тас кайгамчык-ла чаагай болган.

X. Ойдан-оол

1. *Хар, Қызыл-тас, Хөрзүн* деп сөстерни чуге улуг үжүк-бile парлааныл?
2. Оларны кымга дөмейлеп каан-дыр? Кандыг сөстерниң дузазы-бile көргүскен-дир? Ол сөстерни тывыңар.

Кандыг-бир чүвени, болуушкунну, сөсбилие чуруп көргүзерин чурумал дээр. Чурумалга чүвелерни, болуушкуннарны, бойдусту кижииниң азы дириг амытанның даштыкы хевирин чуруп көргүзер.

Үнчангаш чурумалда, тоожуушкунга бодаарга, демдек аттары хөй.

### 303. Номчуңар.

#### ТОРГА



Бир теректе торга олур. Торганың чараш деп чүвезин! Бажы, ооргазы кара. Быгыннарында чидиг кызыл сорулуг. Кара чалгыннарында ак сорулар болгаш дилиндектер бар.

Бүгү боду шокар, ынчангаш ону шокар торга деп адап каан.

1. Сөзүглелде чүнү чуруп көргүскенил?
2. Кандыг хевирниң чугаазынга хамааржыр сөзүглел-дир?
3. Сөзүглелди чүге чурумалга хамааржыр деп бодаар силер?
4. Кандыг торга деп чүвени ооң чурумалындан билип ап болур-дур бис бе?

**304.** Номчуңар. Даяныр схеманы барымдаалап, «Чүрекпен» деп ыт дугайында чугаадан тургузүңар.

## *Хевир-дүрзүзү:*

**хөрээ:** чүрек ышкаш ак чер бар;


**карактары:** чодураа ышкаш хоюг кара;

**дүгү:** хөө дег кара, хөвөн дег хоюг;

**мага-боду:** адыг оглу дег бичии кара.

*Аажы-чаны:*

кашпагай,  
шыдамык,  
ээзин кагбас,  
дидим,  
каржы эвес.



*Ыттарның уксас  
аайы-бите аттары:*

кадарчы ыт,  
аңчы ыт,  
коданчы ыт,  
хава ыт.

### **305.** Номчуңар.

Бичии дээн ужур чок улуг өгге солун чугаа эгелээн. Дөр бажында бүлгээр биле чылапчаны боралдыр өннүг пөс-бите шып каан. Өнермаа угбайның демир-орнун өнгүр удазыннар-бите хээлэп, салбактаан шывыг каастаан. Ооң кырында ак кидистен даараан сыртык чыдыр. Ооң арнын угулзалап чуруп, сырыйп каан. Орун адаанда аяк-сава үлгүүргези, ооң чаактарын кызыл-сарыг дозу-бите будуп каан. Дөрнү долгандыр шо-кар аттаралар хүрээлээн. Ооң кырында чээрэн дүрзүзүн бора чүзүннүг анай кежи-бите даарааш, делгеп каан. Кожазында төгерик

шак шыккылады дагжап тур. Ооң чанында бичежек көрүнчүк биле радиоприёмник баскыштары кылаңнашты.

*M. Тирчин*

1. Өгнүң иштинде чүлдер бар-дыр?
2. Өг иштинде эдилелдер кайда туарар-дыр?
3. Кандыг эдилелдер бар-дыр?
4. Өг иштинин чурумалын чугаалаңдар.

*Угаап-боданышишкын* дээрge кандыг-бир бадыткаан чүүлдүң хөгжүлдези болур. Ол дараазында чурум ёзугаар тургустунар:  
1. Бадыткан шынзыдар ужурлуг кол бодал. 2. Кол бодалды бадыткан шынзыдар барымдаалар. 3. Түннел.

### **306. Номчуңдар.**

Дилгижекти кажар дээр, чүге дизе казары халаптыг, чашпаазы чарлыг амытан кырган-авазының, кырган-ачазының борбак далганын чипкен.

Дилгижек алды аргалыг, беш мегелиг амытан. Ынчангаш кажар дилгижек шола атты алган.

1. Кандыг хевирниң чугаазынга хамааржыр сөзүглел-дир?
2. Кол бодал биле бадыткалды харылзаштырып туарар сөстерни айтыңдар.

## 307. Номчуңар.

### ШЫНЧЫ ЭРЕС

Бир-ле катап Эрес аяктар чуп турғаш, бир сарыг-шокар шаажаңны ышкынып бадырган. Шаажаң черге эп безин чокка чуурулдур дүшкен. Эрес бажың иштин эргилдир ыңай-бээр көөргө, кижи чок болган, дүрген-не шаажаңның бузундузун чыгаш, оларны чажыра каапкан. Ону кым-даа билбес деп бодаан.

Кырган-авазы даштыгаа турғаш, Эрестин аяк бусканының даажын дыңнаан чүве-дир.

Эрес чүнү-даа ыыттаваан. Ооң соонда боданып олургаш, чугаалаан:

- Мени аттынар сен бе, кырган-авай?
- Кежээ оглун кижи аттынар боор бе.
- Шынап бе?
- Шынап, оглум. Эрес дээргэ чүве мегелевес кижи болгай.
- Мен аяк бузуп кагдым ышкаждыл, кырган-авай.
- Буруун билингениң кончуг эки-дир. Мегечи кижи багай чоор, оглум.

X. Ойдан-оол

1. Сөзүглелдин кол бодалын болгаш барымдаа-зын тодарадыңар.
2. Сөзүглелдин түңнелин үндүрүңер.
3. Кандыг чорукту эки дээр, кандыг чорукту багай дээрил, чугаалаңар.

## § 28. Кол сөс биле сөглекчи дугайында бөдүүн билиг

Баштай домакта кымның азы чүнүң дугайында чугаалап турар сөстү тып алыр бис. Ол *кол сөс* болур. Оон соонда кол сөс дугайында чугаалап турар сөстү тып алыр бис. Ол *сөглекчи* болур.

Кол сөс биле сөглекчини *домактың чугула кежигүннери* дээр.

Кол сөс *кым?* *чүү?* *кымнар?* *чүлөр?* деп айтырыгларга харыылаттынар.

Сөглекчи *канчап тур?* *канчанган?* *канчаар?* *чүнүң кылыш тур?* деп айтырыгларга харыылаттынар.

Чижээ: (*Кымнар?*) *Уруглар* (*канчаар?*) *ойнаар.*

Домактың чугула кежигүннери

Кол сөс

Кым? Чүү?  
Кымнар? Чүлөр?

Чаңгыс шыйыг-бите  
шыяр

Сөглекчи

Канчап тур?  
Канчанган?  
Канчаар?  
Чүнүң кылыш тур?

Ийи шыйыг-бите  
шыяр

Уруглар өөренген.

**308.** Домактарны номчуңар. Кым? чүү? кымнар? чүлөр? деп айтырыгларга харыллаттынар сөстерни тывыңар.

Час дүшкен. Часкы хүн чылышды хүннеп турар. Баштайгы чечектер-даа үнүп келген. Күштар чанып кээп-ле турар. Тракторлар даа ховуже үнүпкен. Тараажылар-даа тарылгаже кирипкен. Школа чанынга чечектарыыр. Бистиң класстың уруглары ийи бөлүк кылдыр үстүп алган. Оолдар ыяштарның бажын дескилээн. Уруглар унун чугайлаан. Часкы ажыл кайда-даа чоруп турар.

**309.** Домактарны дүжүрүп бижиңер. Кым? чүү? кымнар? чүлөр? деп айтырыгларга харыллаттынар сөстерни чаңгыс шыйыг-бile, канчаар? канчанган? канчап тур? деп айтырыгларга харыллаттынар сөстерни ийи шыйыг-бile шыйыңар.

Шеттер, дыттар ногаарарган. Черниң кырын чечек каастаан.

Башкы өөреникчилерни чыскаапкан. Өөреникчилер гимнастика кылып турлар. Уруглар хол бөмбүү-бile ойнап турғаннар. Оолдар ийи командаға үстүп алган. Бут бөмбүүнгө маргылдаа эгелээн. Маргылдаа дең санныг доозулган.

**310.** Номчуңар. Кол сөс биле сөглекчиге айтырыгларны аас-бile салыңар.

Хоор аyttыг бистиң аңчы  
Коккааракты боолап алган.  
Хоруп чыткан койгунчугаш  
Кокпазынче ыңдай болган.

**311.** Домактарны номчуңар. Кол сөс биле сөглекчини тывыңар. Айтырыгларын аас-бите салыңар.

1. Авазы уруунга платье даарап берген. 2. Кара-оол онаалгаларын кылыш олур. 3. Удавас часкы тарылга эгелээр. 4. Турлагзынган чуртун сактыш, дуруяалар чаныш келген.

**312.** Хөй сек орнуунга кол сөстерни болгаш сөглекчилерни тааржыр аайы-бите кирип бижинцер.

1. ... акымны шеригже .... 2. ... кинону сонуургап .... 3. ... Чечекти самбыраже ..... 4. Кызыл биле Москва аразынга ... .... 5. Каа-Хем биле Бии-Хемниң белдириинде чараш ... .... 6. Чайын Тоора-Хемче .....

Хереглээр сөстери: *үдээн, авам, көргеннер, өөреникчилер, келдирген, башкы, ужуп турар, самолёт, чоруп турар, теплоход, өзүп турар, хоорай.*

**313.** Домактарга утка талазы-бите тааржыр кым? чүү? деп айтырыгларга харыылаттынар сөстерден неменцер.

К ы м?

- ... өөрениш олур.
- ... ырлап тур.
- ... номчуттунуш олур.
- ... кадарыш чор.
- ... ажылдап тур.

Ч үү?

- ... ээриш тур.
- ... эдип олур.
- ... ужуп чор.
- ... эштиш чор.
- ... чырыш тур.

**314.** Айтырыларга харыылап турғаш, домактардан чогаадыңар.

Чижээ: (Кымнар?) Уруглар (канчаар?) ойнаар.

(Кым?) (чүнү кылып тур?)

(Кымнар?) (канчаар?)

(Чүү?) (канчап тур?)

(Чүлөр?) (канчап турлар?)

Кол сөстү чанғыс, сөглекчини ийи шыйыг-бile шыйыңар.

**315.** Номчуңар.

Эрес-оол кырган-ачазы-бile арга кезии-ринге дыка-ла ынак. Олар каттап, тооруктап, азы анаа-ла селгүүстеп чоруп каарлар. Чылдың кайы-даа үезинде аргага чоруурга магалыг-ла.

Арга күштарының үнү шуут-ла кайгамчык. Кандыг үннү ында чок дээр: эң чинге сыйылаажындан эгелээш, чоон, дыңзыг үнгө чедир. Бир-ле бүдүн хөгжүм херекселингө күүсеткен концертти оон дыңнап болур.

E. Танова

1. Кырган адашкылар чүнү канчаарынга ынактыр?
2. Кандыг күштарның үнүн таныыр силер?
3. Сөзүглелдин утказын чугаалап өөрениңер.
4. Бойдустун кижиғе ажыы кандыгыл?
5. Долгандыр туар бойдусту канчаар камгалап туар силер?

## 316. Номчуңар.

### ЧАС

Частың хұнұ чырып келди.  
Чараш күштар ырлай берди.  
Чаагай шынаа ногаарарды.  
Шапқын хемнер **хайымналды**.

*Л. Чадамба*

Каартыр парлаан сөстерге айтырыглардан салыңар. Кол сөс биле сөглекчилерни ушта бижәеш, адаан шыйыңар.

**317.** Номчуңар. Каартыр парлаан сөстерге аасбилие айтырыглардан салыңар.

**Өөреникчилер** мурнакчы малчын-билие ужурашкан. Малчын бодунуң ажылын өөреникчилерге чугаалап берген. Уруглар айтырыглар салган. Малчын харыылап берген. Ажылынга чедиишкинни **өөреникчилер** күзәэн. Кончуг әки өөренириин уругларга чатып турған.

**318.** Дүжүрүп бижиңер. Айтырыглар орнунга утказының талазы-билие тааржыр сөстерни кириңер.

1. Чылыг (*кандығ?*) ... хұн турған. 2. Хенертен (*кандығ?*) ... булуттар хұннұ дуглай берген. 3. Долгандыр бүгү чүве (*кандығ?*) ... шырай кире берген. 4. Бүрүлер (*кандығ?*) ... хаттан сылдыртқайнып эгеләэн. 5. Удаваанда (*кандығ?*) ... чаъс чаай берген.

Херегләэр сөстери: *каан*, *сүггүр*, *шириин*, *дыңзыг*, *кара*.

**319.** Номчуңар. Авашкыларның агаарлап чораа-  
нының дугайын чугаалаңар.

Улуг-хүнде авам-бile арыгже агаарлап  
чордум. Арыгда күштарның эдерин чарап-  
сынып, дыңнап чор бис. Хадыңнар, терек-  
тер, чодураалар, талдар ногаан бүрүлөр-бile  
каастаныпкан. Шыкта янзы-бүрү чечектер  
үнүп келген.

**320.** Хөй сек орнуңга тааржыр сөстерни чедир  
бижиңер. Бижип алган домактарыңарны номчуңар.

Дээр . . Дицмирээшкин . . Ойнап тур-  
ган . . бажыңнарынче . . Одардан . . кирип  
келген. Угбам инектерин . .

Хереглээр сөстери: *инектер, бүргөн кел-  
ген, кажаалап каан, уруглар, чыжырт дээн,  
чана маңнажыпканнар.*

**321.** Номчуңар.

Чайын көдээ суурга магалыг-ла. Долган-  
дыр чечек-сиген хөлбөнээн. Агаарның арыг  
деп чувези кижи тынып-ла мага ханмас.  
Суур чанында аргада күштар янзы-бүрү үн-  
нери-бile мыжырткайнып-ла туарлар. Дыт-  
тар доорзунда тодуг инектер кезек-кезек  
улгаттыр тынгылап каап, шөлээн кегже-  
нип чыткылаар. Мындыг черге дыштаныр-  
га, шынап-ла магалыг.

*E. Танова*

Силер чайын каяа дыштанып туар сiler, чу-  
гаалаңар.

**322.** Одуруг бүрүзүнде сөстерни домактар болу бээр кылдыр бижиңер.

1. Ногаан, бызаалар оъттап чорааннар, шыкта.
2. Сүре берген, Андрей, бызааларны, шывык туткаш.
3. Мөөрепкеш, шокар, Андрейже, дап берген, бызаа.
4. Корткаш, дезе берген, Андрей.

**323.** Номчуңар. Кол сөс болгаш сөглекчини ушта бижиңер.

Алдын күс-даа дүшкен. Черниң кырын дүнениң-не шаң-хыраа шыптар апарган. Күштар изиг чурттарже чоруптарынга белеткени берген. Арга-әзимге аян тудуп ырлажып турар күштарның чоорту-ла чидип турары илден апарган. Эзимге чүгле кәэргеннер, торгалар, дүлей-көктөр көскүленнээр.

X. Ойдан-оол

1. Күстүң демдектерин чугаалаңар.
2. Күзүн чылыг чурттарже ужуп чоруй баар күштарны сактып чугаалаңар.

## § 29. Улуг сек, айтырыг болгаш кыйгырыг демдектери

**324.** Домак бүрүзүн аянныг кылдыр номчуңар. Домактарның сөөлүнде кандыг демдек турар-дыр?

Тараа ажаалдазы шагда-ла доозулган. Иштики хемнер уннарында бүрүлүг ыяштар шаарапган. А кедээр тайгалар дээрge

мынчан тергиин чараш апаар. Ол эзим ам аңчыларны дөстүндүрбейн кыйгырып чыдар! Кидин-не сыын үнү. Диң агарган. А койгун? Артында-ла, карактары улгады берген. А күшкүл? Кымны эдискилеп олургулаарлары ол? Мынчан ол эзимнерге кылаштап чоруурга, арыг, чылыг — тааланчыын чүгө деңнээр ону!

*С. Сарыг-оол*

**325.** Номчуңдар.

### ЧЫЖЫРГАНА

Бистер чадаң үнүш чанынга чедип келдивис. Магадап көрүп тур бис. Кызыл-сарыг каттар бүгү будуктарда бот-боттарынга чыпшыр салбакталы берген тур. Чанғыс борбак кызыл-сарыг катты өскезинге дегбейн ап чирии берге.

Чыжырганадан чаагай амданныг варенье хайындырып алыр. Чыжырганадан чыжыргана үзү деп адаар үнелиг эмни ап турар. Чыжыргана кончуг ажыктыг эм үнүш.

Чыжыргана дугайында чүнү билип алдыңдар?

Сөзүглелдин уtkазын аас-бile дамчыдарынга белеткенип алгаш, чугаалаңар.

Домактар медәэлләэр, айтырап, кыйгырап уткаларлыг болур.

Бир эвес домакта кандыг-бир чүве дугайын анаа-ла медәэлеп турар болза, оон сөөлүнгө улуг сек салыр. Бир эвес домак

айтырыг уткалыг болза, ынчан айтырыг демдээ салыр. Бир эвес домак өөрээн, магадаан бодалды илередир болза, ынчан кыйгырыг демдээ салыр.

**326.** Солагай болгаш оң талада сөстерни номчуңар.

школачылар,  
ынак,  
боттарының,  
школазынга

Школачылар  
боттарының  
школазынга  
ынак.

Кайы талазында сөстер домак болу бергенил? Чүгө?

**327.** Айтырыгларны номчуңар. Оларны баштай аас-бile, ooң соонда бижимел-бile харылаңар.

1. Школага чүнү өөренип турар силер?
2. Кандыг кичээлдерге ынак силер?

Харызын мындыг сөстер-бile әгелеңер:

«Бис школага ..., ..., ... өөренип турар бис. Мен ... кичээлдеринге ынак мен».

Домактарның сөөлүнгө кандыг демдектер салдыңар. Чүгө?

**328.** Айтырыг болгаш харыы домактарын эжеш аайы-бile номчуңар.

Сен кайнаар баар сен  
Кым-бile баар сен  
Кажан баар силер

Музей баар мен  
Аяс-бile баар мен  
Иий шакта баар бис

Айтырыгларда болгаш харыларда каартыр парлаан сөстерни канчаар номчуурул? Бижик демдектерин салбышаан, дүжүрүп бижиңер.

**329.** Номчуңар. Бир кижи айтырарга, шуптуңар деңге харылаңаңар.

- Кымнар кел чыдыр? (*Чаңғыс үн.*)
- Найыралдыг оолдар, бистер келдивис. (*Шуптузу.*)
- Кымнар ырлап чор? (*Чаңғыс үн.*)
- Бистер шко-ла-чы-лар ырлажып чор бис! (*Шуптузу.*)

**330.** Номчуңар. Кандыг домактар-дыр, чугаалаңаңар.

Чодураалар кажан чечектелирил ыяштарда ногаан бүрүлер үнүп келген чылыг час дүшкен магалыын, өөрүшкүлүүн.

Дүжүрүп бижиндер. Домактарның сөөлүнгө чогуур бижик демдектерин салыңаңар.

**331.** Номчуңар.

### ХАДЫЫР-САРЫГ

Ол үнүштү чүге хадыыр-сарыг деп адап кааныл? Хадыыр-сарыглар огородтарга, оруқ кыдышынга, ховуларга өзөр. Олар баштай бичии алдын согунчугаштарлыг хүнчүгешке дөмей болур. Ооң үрезини дыка дүрген часты бергеш, бичии хоюг дүктүг дүргек болу бээр. Ону үрүптерге, агаарже дыка хөй ыйбааңгы дүктер ужуп чоруй баар. Ынчангаш оларны хадыыр-сарыг деп адап кааны ол.

Бирги домактың сөөлүнде чүге айтырыг демдээ салганыл? Ол үнүштү чүге ынчаар адаан-дыр, сөзүглелден тывыңар. Хадыыр-сарыгларның ажыын билир сiler бе, чугаалаңар.

**332.** Номчуңар.

Казанакта бора-тоолай,  
Кодан база бар дээр чүзүл,  
Халыры-даа, дүрзүзү-даа  
Кончуг дөмей ылгашпас чоор.  
Бора-тоолай кайызы чоор —  
Боразы бе, каразы бе  
Хокпаңнадыр шурагылаан  
Кодан ол бооп чадавас он.

*К. Ондар*

1. Кодан биле бора-тоолайның дөмей болгаш ылгалдыг чүвези чүл?

2. Айтырыг демдээ салыр одуругларны ушта бижээш, демдээн салыңар.

**333.** Бир кижи айтырыг домактарын, бир кижи харыы домактарын номчуңар.

— Онаалгаң күүседип алдың бе?  
— Ийе, күүседип алдым.  
— Ам чүнү кылыш сен, эжим?  
— Ам агаарлап ойнаар мен.  
— Кады ойнаар бис бе?  
— Кады ойнаалы харын.

**334.** Номчуңар.

Оъттап чорааннар, дагда, хойлар

Оолак, кадарып чораан, хойларны  
кирип келгеннер, хойлар, өдекте  
Сөстерни үш домак болу бээр кылдыр бижицер.

**335.** Номчуңар.

**КЫМНАРЫЛ ОЛ?**

Хамык оол, кыс дуңмаларын  
Карактажыр кымнарыл ол?  
Ажылга-даа, айбыга-даа  
Аажок кежээ кымнарыл ол?  
Ада-ие ажы-төлү —  
Ам-даа бичии бистер-дир бис.

Аксы-сөзү, аажы-чаңы  
Аттыг чараш кымнарыл ол?  
Арны-бажы, идик-хеви  
Арыг-силиг кымнарыл ол?  
Ада-ие ажы-төлү —  
Ам-даа бичии бистер-дир бис.

*Ч. Кара-Күске*

Айтырыг уткалыг домактарның харызызын шүлүктен тывыңар.

**336.** Бир кижи айтырып тураг, бир кижи харылап тураг кылдыр номчуңар.

**КОЙГУН**

- Койгун, койгун, каяа чордуң?
- Кокпа оруум кырлап чордум.
- Койгун, койгун, кайнаар баайн дээш?

- Конгулумче баарым ол-дур.
- Конгулунда чүү барыл?
- Койгунактар эмгежок-ла.
- Конгулуңну көрейн бе?
- Хоржок-хоржок, койгунактар корга бээрлер, соонда баар сен.

*И. Иргит*

1. Койгун конгулун чүге көргүспээнил?
2. Койгунну оон өскээр канчаар адаарыл?

**337.** Номчуңар. Кыйгырыг уткалыг домакты ушта бижип алышар. Домактың сөөлүнде кыйгырыг демдээн чүге салганыл, тайылбырлаңар.

Айбылаарга, амыраар бис,  
Арта чаржып ыңай боор бис.  
Кымны мурнай күүседир дээш,  
Кызып-кызып хөделир бис.  
Айбылаарга, амыраар бис!

Айбы кылыш өскен кижи  
Ажыл-ишке чаңчыгып каар:  
Алышындан дузааргак боор,  
Ажылзырак, кежээ болур.  
Айбылаарга, амыраар бис!

*Ч. Кара-Күске*

1. Айбылаар деп сөстүң утказын канчаар билип турага силер, тайылбырлаңар.
2. Амыраар деп сөске чоок уткалыг сөстен тывыңдар.

### **338.** Номчуңар.

Кичээл эгелей берген  
Кичээл эгелей берген  
Кичээл эгелей берген

Домактарны медээлээр, айтырар, кыйгырар аянныг кылдыр номчуңар. Дүжүрүп бижээш, бижик демдектерин салыңар. Кол сөстү чаңгыс, сөглекчини ийи шайыг-бile шайыңар.

### **339.** Номчуңар.

Эргек сорар, думчук чушкуур —  
Эң-не багай чаңчылдар бо.  
Үрактан-даа ону көөрү —  
Үянчыг болгаш ческинчиг-дир:  
Багай чаңчыл  
Барзын, чорзун!  
Эки чаңчыл  
Ээлзин, келзин!

*Ч. Кара-Күске*

1. Автор уругларны чүү чувеже кыйгырып турардыр?
2. Чүнү багай дээрил, чүнү эки дээрил, чугаалаңар.

## **Чыл дургузунда өөрөнгөнийн катаптаары**

### **340.** Номчуңар.

Күчүлүг Улуг-Хемни кежилдир демир көвүрүгнү туткан. Ооң тудуунга хөй күш үндүрген. Ол көвүрүглөп машиналар, чадаг кижилер ыңай-бээр шуужуп-ла турар.

**1.** Улуг-Хем деп сөстү чүге улуг үжүктөр-бile бижирил?

**2.** Шуужуп деп сөсте каш үн, каш үжүк барыл?

**341.** Кожалар деп сөсте үннерни болгаш үжүктөрни адаңар.

Тыва дылда каш ажық үн, каш ажық үжүк барыл? Ажық үннерни адаңар. Ажық үжүктөрни бижиңер.

**342.** Номчуңар.

Мал, аytt, хүн, чаъс, кат, хол, чүйк, чук.

Баштай үш үннүг болгаш үш үжүктүг сөстерни, ооң соонда үжүү үнүнден хөй сөстерни бижиңер.

**343.** Сөсте каш слог барын канчап билип алышыл? Чаңгыс слогтан, ийи слогтан, үш слогтан тургустунган ийи-ийи сөстерден бижиңер. Ажық үжүктөрниң адаан шайыңар.

**344.** Номчуңар.

Тоол, малчын, Юра, тоорук, ном, номчу, көөр, маңнаар, хем, тут, дүжүт.

Көжүртүнмес сөстерни тывыңар. Өске сөстерни көжүрер кылдыр дүжүрүп бижиңер. Сөстерни көжүрериниң кандыг дүрүмүн билир силер?

**345.** Утказы тааржыр слогтарны чедир бижиңер.

-жу, -жы: тараа..., хой..., далай..., тудуг..., садыг...;

-чиң, -чин: ажыл..., чиргил..., дөрбел..., тараа... .

**346.** Сөстерни слогтап номчуңар.

Чайырлыг, чайғы, чаашкынныг, тайбың, ёзу, байырлыг, карандаш, кыдырааш, хая, тоолчу.

**347.** Солагай талада кыска ажық үннүг сөстерге узадыр адаттынар ажық үннүг сөстерни, оң талада узадыр адаар ажық үннүг сөстерге кыска ажық үннүг сөстерден тып бижиңер.

Эл — ...	кааң — ...
чук — ...	баалық — ...
чер — ...	балаар — ...
чаш — ...	доозар — ...
адар — ...	хаар — ...

**348.** Номчуңар. Айтырыг болгаш кыйгырыг демдектерин чүге салганыл, тайылбырлаңар.

Сентябрь 1. Школаже чоруптарынга белеткенип алгаш, бичии Аянмаа кырган-авазынга халып чеде берген.

Кырган-ава уруун кайгамчық-ла чаптаан.

— Аян-маа, Аян-маа! — дээш, кырган-ава айтырган:

— Башкыңга белээн кайыл?

Аянмаа бодап кээрге, шынап-ла, куруг болган. Ооң арны муңгаргай хевирлиг апарған.

— По-ох! Күжүр уруумну — деп, кырган-ава чугаалаан.

— Чайны өттүр азырап өстүрген чечектериңни уттууптуң бе, Аян?

Бирги классчылар чыскаалыпкан. Бистинц Аянмаавыс өөрүнүң аразында кызыл, хүрен, ак-көк — янзы-бүрү өңнүг чараш чечектерин туткан, хұлұмзұрұп турган.

Башкызының чугаазы төнерге, Аянмаа чараш өңнүг чечектерин башкызынга кымныдаа мурнай барып тудускан.

X. Ойдан-оол

**349.** Номчуңар.

Чуга, чугаа, дага, дагаа, сын, сыын.

Сөс бүрүзүнге домактардан чогаадып бижицер.

**350.** Сөстерни көжүрер кылдыр кезектерге слогтап адаңар.

Уялыг, огород, бажың, огурец, дииңнәэр, уруглар, найырал, өөредилге, чурулга.

**351.** Хөй сек орнунга *t—d* деп үжүктерни киип турғаш, дүжүрүп бижицер.

Шаанда ээн чыткан ...азыр ховуларда ...араан ...араа ...алай ышкаш чалғып чыдар. ...аштар ...иинден шурап үнген ...амырак суг хайнып чыдар.

**352.** Сөс бүрүзүнге домактардан чогаадыңар.

Пар, балық, пага, байлак, пөш.

Чогааткан домактарыңарны бижицер.

**353.** Сөстерни әжеш аайы-бile шын адап номчұңар.

Паш — бар, тон — дон, көр — хөл, пөш — бөрт, тал — дал.

Сөс әгезинде үннерниң адалгазын деңнендер.

Хөл, тал деп сөстер-бile домактардан чогаадыңар.

**354.** Номчуңар.

### ЧЫЛДЫҢ ҮЕЛЕРИ

Катап келген хөглүг час  
Кандыг белээн биске бээрил?  
Чаагай, чылыг, узун чай  
Чалбак чонга чүнү бээрил?  
Соокту тынган дошкун кыш  
Чоорган кылдыр чүнү чадар?

Айтырыгларны аас-бile харыылаңар.

Харыыга хереглээр сөстер: *кылын харын, чечектерни, кат-чимисти, тараабыдааны.*

**355.** Хөй сек орнунга кирер ажық үжүктерни кирип бижиңер. Домактарның сөөлүнге улуг секти салыңар. Домактарның эгезин улуг үжүк-бile бижиңер.

Черликтен — б...дик ч...гай ыт ооң үн...дыңзыг болгаш ч...н Черликтен от кыд...н-га тав...р чыдып алган.

1. Чедир биживээн үжүктерниң үннери канчаар адаттынарыл?

**2.** *Черликпен* деп сөсте ажық әвес үннерни адаңар.

**3.** *Чоон, таваар, кыдышынга* деп сөстерде *o*, *a*, *ы* деп үжүктөр канчаар адаттынар-дыр?

**356.** Номчуңар.

Ажыл шупту хұндүткелдиг,  
Аар, чиик деп ылгалы чок.  
Ажыдышышқын, тиилелгеже  
Алдын дүлгүүр — мергежил ол.

Шүшпең болгаш чалгаа болза,  
Чүү-даа ажыл дек бүтпес.  
Чүрек-бile чүткүл турда,  
Шүүтсүнер чүве турбас.

*Ю. Кюнзегеш*

1. *Өзүп* келгеш, кым болуксаар силер?
2. *Шилип* алыр мергежилиндер ажыктығ талала-рын чугаалаңар.
3. *Чалгаа* деп сөсте каш үн, каш үжүк барыл?
4. *Шүүтсүнер* деп сөстү оон өске кандығ сөс-бile солуп болурул?

**357.** Чуруктарны топтап көрүңер.



Бойдусту чүге камга-  
лаар ужурлуг бис?

Кижиден өске арга-  
арыгны кандыг күш-  
тар, курт-кымысскаяктар  
камгалап туарыл?

Оларның ажыры кан-  
дыгыл?

Тывада кандыг хо-  
вар аң-мең, үнүштер барыл?

Оларны кайда бижээнил?

Оларны канчаар ужурлуг бис?

Чуруктарга аттан бергеш, чугаадан тур-  
гузуңдар.

### 358. Номчуңдар.

Дээрде кара булут...ар диргелип турган.  
Үракта ...иңмирээшкін дыңналган. Арға  
шимээргей берген. Чоорту хат күштелип  
эгелээн. Кургаг теректерниң бу...уктары күш-  
түү-бile чайганы берген.


Ча...с чаап эгелээн. Ол чер кырын чуй  
шаапкан. Баштайгы чаъска улус ...рүп тур-  
ган.

Каапкан үжүктерни кирип бижиңер.

### 359. Сөстерни үш бөлүкке чарып бижиңер.

Чурт, бижик, сан, коньки, суг, аң.

1. Чүвелерни көргүзүп туар сөстер: *суг*, ...,
2. Чүвелерниң демдээн көргүзүп туар сөс-  
тер: *суглуг*, ...,



**3.** Чүвелерниң кылдынынын көргүзүп турар сөстер: *суглаар*, ...,

Бөлүк бүрүзүнде сөстер кандыг айтырыларга харыылаттынар-дыр?

**360.** Бижиңер. Кол сөстү чаңгыс, сөглекчини ийи, кандыг? деп айтырыгга харыылаттынар сөстү дыйлагар шыйыг-бile шыйыңар.

## ПАРКТА

Хоорайның улуг парыгы бар. Паркта узун теректер, селбегер хадыңнар, кара-хүрең чодураалар өзүп туар. Ол парк чайын, чазын онза чарап. Парктың ыяштары ногаан тоннарын кедиптер. Күзүн ол парк алдын-сарала апаар.

**361.** Кол сөстү чаңгыс, сөглекчини ийи шыйыг-бile шыйыңар.

Уруглар чайын лагерьге дыштаныр. Аңаа ойнаар, эштир, балыктаар. Лагерь серин арыг иштинде туар. Лагерьге спорттуң янзы-бүрү хевирлеринге маргылдаалар болур. Күш-культурага ынакшыңар. Төрээн чуртуңарның бойдузу-бile таныжыңар.

**362.** Номчуңар.

Эң бичии күшкаш — колибри. Оң хемчээли ховаган хире.

Черде эң улуг амытан — чаан. Оң бедии үш метр чеде бээр.

**Хензиг** күшкаш биле чаан **чылыг** чурттарда чуртташ туар.

Караптыр парлаан сөстер кандыг айтырыларга харыллаттынарыл?

**363.** Номчуңар.

### БИЧИИ ЭРТИНЕ

Эртине кырган-ачазынга ынак. Ол школадан келгеш-ле, дневнигинде кандыг демдектер салдынганын хамыкты мурнай кырган-ачазынга көргүзер. Эртине чаа-ла бирги класста өөренип туар. Башкызының бажыңга берген онаалгазын чааскаан хынамчалыг күүсеткеш, оон канчаар күүсеткенин кырган-ачазынга көргүзер. А кырган-ачазы карактарының көстүктөриң кеткеш, кичээнгейлиг хынап көргүләэр. Бир эвес шын болур болза: «Эр хей, кезээде ынчаар өөрен, кончуг эки өөрен!» — деп мактап чагыыр.

X. Ойдан-оол

1. *Башкызының, кичээнгейлиг, онаалгазын* деп сөстерни көжүрер кылдыр бижиңдер.
2. Школада кандыг эртемнер өөренип туар силер?
3. Кандыг кичээлдерге ынак силер?
4. Онаалга кылышынга силерге кым дузалажып туарыл?

**364.** Номчуңар.

Баштайғы тыва балерина Наталья Дойдаловна Ажықмаа биле Москвадан Тывага ажылдап келген чурукчу Константин Нико-

лаевич Рушевтерниң өг-бүлезинге төрүттүнген Надя бодунаң кысса назынында 10 мунч чураан чуруктарны арттырган. Кара чажындан әгеләэш чуруп әгеләэн кыс уруг 12 хар чедип тургаш, бүгү делегейде билдингир апарган. Оон делгелгелери Америкага, Японияга, Индияга, Италияга, Францияга, Молла эрткен.

1. Чамдық сөстерни чүге улуг үжүк-бile әгелеп бижәенил?
2. *Делгелгелери* деп сөстү слогтарга чарыңар.
3. Кижилер болгаш чурттар аттарын шын ушта бижип алыңар.

**365.** Чурттап тураг сууруңар, хоорайыңар, оон чанында хемнерниң аттарын бижиңер.

Мен ... суурда (хоорайды) чурттап тураг мен. Суурувус (хоорайывыс) чанында ... агып бадып чыдар.

**366.** Чурттап тураг сууруңар, хоорайыңар чанында даглар, тайгалар аттарын улуг үжүктөрбile бижиңер.

Ийи сөстен тургустунган черлер, хоорайлар, суурлар аттарын канчаар бижириин утпаңар.

**367.** Билириңер тыва чогаалчыларның адын, адазының адын, фамилиязын бижиңер.

**368.** Сууруңар, хоорайыңарда кудумчулар аттарын хөй сек орнунга шын бижиңер.

Бистиң суурувуста (хоорайывыста) ..., ..., ... деп кудумчулар бар. Мен ... кудумчузунда чурттап турар мен.

**369.** Сөстерни домактар болу бээр кылдыр тургузуңар.

Эртип келген, дайзын, дүне, кызыгаарны, тып алган, исти, Туман деп ыт үргүлчүләэн, ийи, сүрүүшкүн, шак, кызыгааржылар, үрекчизин, кызыгаар, тудуп алган

Бижиңер. Бирги болгаш сөөлгү домакта чугула кежигүннерниң адаан шыйыңар.

**370.** Хөй сек орнунга *-даа, -ла* деп сөстерни кирип бижиңер.

Час... келген. Шынаалар..., аргалар... ногаан хевин җедипкен. Өөр бөлүк тааннар өрү дээрде ужуп... турганнар. Өөрүшкүлүг уруглар... өөрүп-хөглөп ойнап... турлар.

**371.** *-ла, -ле, -на, -не* деп артынчылар мурнунга тааржыр сөстерден тып бижиңер.

**372.** Номчуңар.

## КААС YE

Бөлүк чокпак чодураалар,  
Мөңгүн дег ак аржыыл кеткен,  
Шиник чаагай каас үе  
Чингир ногаан чай-даа келген.

Чечек-бүрүү четчиң үнгеш,  
Черниң кыры хевистелген.  
Ажыл-ишчи ары, күштар  
Амданың чем чыйый берген.

Л. Чадамба

*Хевистелген* деп сөстүү слогтарга чарыңдар.

**373.** Номчуңдар.

Цирк, огурец, циркуль, телефон, магнитофон, фабрика, щи.

Сөс бүрүзүнге бир-бир домактан аас-били чогаадыңдар. Чогааткан домактарыңдарны бижиңдер.

**374.** Номчуңдар.

Даады-ла менче көрүп,  
Тааладыр чылдып турар  
Авам ышкаш куспаа чылыг  
Алдын оттуг ава хүнүм.

C. Сарыг-оол

Шүлүкте чүнүң дугайын чугаалап турарыл?  
Хүннү чүгө ава хүнүм дээнил?

**375.** Номчуңдар.

## ШИИЖЕК

Варяга шиижек турган. Шиижек клетка-га чурттап турган, ол черле ырлап көрбээн. Варя шиижекке чедип келгеш, мынча дээн:  
— Сээн ырлаар өйүң келген-дир, шиижек.

— Мени хостуг салывыт, ынчан бүдүн хүн иштинде шөлээн ырлаар мен.

Л. Толстой

Ийги домакта кол сөс биле сөглекчини тывыңар.

**376.** Хөй сек орнуунга *к* биле *х* деп үжүктерни бижинцер. Солагай талазында сөстерге *х*, он тала-зында сөстерге *к* деп үжүктү кириңер.

... адыйр	... адыйр
...аг	...аг
...ат	...ат
...аар	...аар

Эжеш сөстерниң утказы кандыг ылгалдыгыл?

**377.** Номчуңар.

Чодураа бышкан. Чодураалаар бис. Ырак эввесте чодураалыг алаак бар.

1. Төрел сөстерни тывыңар.
2. Домактарда төрел сөстерге айтырыгларны аас-билие салыңар.
3. Кандыг сөстерни төрел сөстер дээрил?

**378.** Номчуңар.

## АРЫГДА

Суур артында арыг бар. Ол арыгда тал, терек, чодураа, хадың, шиви үнген. Изиг хүнде арыг иштинин серийинин чүү дээр! Арыгның ортузунда оймак бар. Ында честек-

кат эңмежок. Янзы-бүрү чечектерни магадап ханмас. Оймактың кыдырында кара суг бар. Суг кыдырын дургаар инек-караа, кызыл-кат үнген. Дыштаныр хұнде суурнуң бүгү чурттакчылары ында турад.

*A. Алдын-оолдуу-били*

Чайғы арыгда чүлер бар-дыр?

**379.** Номчуңар.

**ЛАНДЫШ ЧҮГЕ АК ӨҢНҮГҮЛ?**

Бойдустуң тывызықтарын хайгаарал база тып билир сен бе? Чүге калинаның, рябинаның, чодурааның чечектери ағыл? Ландыш чүге ағыл? Ландыштар хөлегелиг черге өзөр. Арганың биции караңғы черинге күрткымысқаяктар көк болгаш өкпен өңнерни көрбес. Чүгле ак өңнер эки көстүр.

*B. Тетюреваныы-били*

Айтырыгларга харының сөзүглелдин бодундан тывыңдар.

**380.** Номчуңар. Сөзүглелге аттан беріңер.

Суурувус чанында хем бар. Алаактар бар. Алаактарда кызыл-кат, инек-караа, чамдық ажық черлерде честек-кат эңдерик. Бис хемге әштип-әштип, оон алаак иштинге кат чыып чип, ойнап чоруурунга дыка ынак бис.

*Э. Мижит*

Сөзүглелдин хевирин тодарадыңдар.

## СЛОВАРЬ

аас-кежик	класс
ада-ие	коньки
аът	куш
аъттыг	каът
аъттаныр	каттыраг
арыг-шевер	идик-хеп
аппар	оттар
апаар	оът
аъш-чем	оъткараг
бөгүн	оъттуг
бак (багай)	чаъс
тайга	шынныг
тудуг	эки
тудугжу	эkkээр
туман	пөс
туманнаар	пөссүг
туманныг	пак
тур	ыт
теп	деп
тывар	өөреникчи
тывызык	өөредилге
кеттинер	өг-бүле

## **Төлевилел-бile ажыл**

Төлевилелдин темазы: «Тыва улустуң аас чогаалы»

---

---

Чүнүү кылыш мен:

---

---

Кылыш ужурлуг ажылымның планы:

---

---

Мээн-бile кады төлевилелди кылыш эштөрим:

---

---

Менээ херек чүүлдер:

---

---

Төлевилел-бile ажылымның түнели:

---

---

## ДОПЧУЗУ

Чаа өөредилге чылы-бile! .....	3
Катаптаашкын	
§ 1. Бирги класска өөренген чүчлдерин катаптаары .....	4

## ҮННЕР БОЛГАШ ҮЖҮКТЕР

§ 2. Ажық, ажық эвес үннер болгаш үжүктер.....	9
§ 3. Кыска болгаш узадыр адаар ажық үннер бол- гаш үжүктер .....	15
§ 4. Өк-бile адаар ажық үннүг сөстерге кадыг демдек (ъ) .....	21
§ 5. Ажық эвес үннер болгаш үжүктер .....	23
§ 6. Эгезинде [m] – [ð] деп үннер кирген сөстер ..	27
§ 7. Эгезинде [n] – [�] деп үннер кирген сөстер ...	30
§ 8. Эгезинде [κ] – [x] деп үннер кирген сөстер ...	33
§ 9. <i>Ф</i> , <i>и</i> , <i>иң</i> деп үжүктер .....	37
§ 10. <i>Я</i> деп үжүктүг сөстер .....	39
§ 11. <i>E</i> , <i>э</i> ( <i>e</i> ) деп үжүктүг сөстер .....	41
§ 12. <i>Ё</i> деп үжүктүг сөстер .....	43
§ 13. <i>Ю</i> деп үжүктүг сөстер .....	44
§ 14. Чымчак демдектиг (ъ) сөстер .....	46
§ 15. Слогтар .....	48
§ 16. Сөстерни көжүрери .....	51
§ 17. Тыва алфавиттиң үжүктери .....	57

## СӨС

§ 18. Кым? чүү? деп айтырыгларга харыылаттынар сөстер (Чүве ады) .....	60
§ 19. Кандыг? деп айтырыгга харыылаттынар сөстер (Демдек ады) .....	71
§ 20. Канчап тур? деп айтырыгга харыылаттынар сөстер (Кылыг сөзү) .....	79
§ 21. Ат болгаш фамилияларга улуг үжүк .....	91
§ 22. Азырал амытаннарның шола аттарынга улуг үжүк .....	96
§ 23. Чурттар, хоорайлар, суурлар, кудумчулар, хемнер аттарынга улуг үжүк .....	102
§ 24. Төрел сөстер.....	105
§ 25. -ла, -ле, -на, -не деп сөстерни шын бижири .....	113
§ 26. -даа деп сөстү шын бижири .....	116

## ДОМАК БОЛГАШ ХАРЫЛЗААЛЫГ ЧУГАА

§ 27. Домак .....	119
§ 28. Кол сөс биле сөглекчи дугайында бөдүүн билиг .....	128
§ 29. Улуг сек, айтырыг болгаш кыйгырыг демдектери .....	134
Чыл дургузунда өөренгенин катаптаары .....	141
Төлевилел-бите ажыл .....	156

*Учебное издание*

**Игорь Чагович ЭРГИЛ-ООЛ  
Наталья Чоодуевна ДАМБА  
Нелли Михайловна ОНДАР**

**ТУВИНСКИЙ ЯЗЫК**

**2 класс**

**Учебник для общеобразовательных  
организаций**

Редактор издания *Л.А. Ооржак*  
Художники *Чечек Монгуш, Шораан Бичел-оол,*  
*Владимир Донгак*  
Фотохудожник *М.Ч. Чооду*  
Дизайн обложки *В.М. Балчый-оола*  
Компьютерная верстка *Л.Д. Донгак*  
Корректоры *В.В. Монгуш, А.М. Топул*

Сдано в печать 30.11.2020. Формат 70x100  $1/_{16}$ .  
Бумага офсетная. Печать офсетная. Гарнитура Школьная.  
Физ.п.л. 10,0. Уч.-изд.л. 8,5. Тираж        экз.  
Заказ №

Оригинал-макет подготовлен ГБНУ Министерства образования  
и науки Республики Тыва «Институт развития  
национальной школы», 667011, г. Кызыл, ул. Калинина, 16

Издано в ООО Издательство “Офсет”,  
660075, г. Красноярск, ул. Республики, 51.